

四庫全書

子部

欽定四庫全書

子部

本草綱目卷十三

詳校官太醫院吏目臣周世泰

編修臣倉聖脈覆勛

總校官庶吉士臣何思鈞

校對官中書臣吳裕德

謄錄監生臣孟熙

欽定四庫全書

本草綱目卷十三目錄

草之二 山草類下三十九種

黃連 本經

胡黃連 開寶

黃芩 本經

秦艽 本經

柴胡 本經

前胡 本經

防風 本經

獨活羌活 本經

土當歸 綱目

都管草 圖經

升麻 本經

苦參 本經

白鮮 本經

延胡索

開寶

貝母

本經

山慈姑

嘉祐

石蒜

圖經

水仙

會編

白茅

本經

地筋

州錄即
管茅

芒

拾遺

龍膽 本經

細辛 本經

杜衡 本經
木細辛附

及已 別錄

鬼督郵 唐本

徐長卿 本經

白薇 本經

白前 別錄

草犀 拾遺

釵子股 海藥

吉利草 綱目

硃砂根 綱目

辟虺雷 拾遺

錦地羅 綱目

紫金牛 圖經

拳參 圖經

鐵線草 圖經

金絲草 綱木

右附方舊七十一新二百一十四

本草綱目卷十三

欽定四庫全書

本草綱目卷十三

明李時珍撰

草之二

山草類下
三十九種

黃連

本經上品

釋名王連

本經支連

藥性時珍曰其根連珠而色黃故名

集解

別錄曰黃連生巫陽川谷及蜀郡太山之陽二月八月采根弘景曰巫陽在建平今西間者色

淺而虛不及東陽新安諸縣最勝臨海諸縣者不佳用之當布裏按去毛令如連珠得昇曰苗似茶叢生一

莖生三葉高尺許凌冬不凋花黃色江左者節高若連珠蜀都者節下不連珠今秦地及杭州柳州者佳頌曰今江湖荆夔州郡亦有而以宣城九節堅重相擊有聲者為勝施黔者次之東陽歙州處州者又次之苗高一尺以來葉似甘菊四月開花黃色六月結實似芹子色亦黃江左者根黃連珠其苗經冬不凋葉如小雄尾草正月開花作細穗淡白微黃色六七月根繁始堪采恭曰蜀道者粗大味極濃苦療渴為最江東者節如連珠療痢大善澧州者更勝時珍曰黃連漢末李當之本草惟取蜀郡黃肥而堅者為善唐時以澧州者為勝今雖吳蜀皆有惟以雅州眉州者為良藥物之興廢不同如此大抵有二種一種根粗無毛有珠如鷹雞爪形而堅實色深黃一種無珠多毛而中虛黃色稍淡各有所宜

根脩治

澆出於柳木火上焙乾用時珍曰五臟六腑

皆有火平則治動則病故有君火相火之說其實一
氣而已黃連入手少陰心經為治火之主藥治本臟
之火則生用之治肝膽之實火則以豬膽汁浸炒治
肝膽之虛火則以醋浸炒治上焦之火則以酒炒治
中焦之火則以薑汁炒治下焦之火則以鹽水或朴
消炒治氣分濕熱之火則以萊菔湯浸炒治血分塊
中伏火則以乾漆水炒治食積之火則以黃土炒諸
法不獨為之引導蓋辛熱能制其苦寒鹹寒能制其
燥性在用者詳酌之

氣味苦寒無毒

別錄曰微寒普曰神農岐伯黃帝雷
公苦無毒李當之小寒之才曰黃芩

龍骨理石為之使惡菊花玄參白鮮皮芫花白殭蠶
畏款冬牛膝勝烏頭解已豆毒權曰忌豬肉惡冷水
穀曰服此藥至十兩不得食豬肉若服至三年一生
不得食也時珍曰道書言服黃連犯豬肉令人泄瀉

而方家有豬肚黃連九豬臟黃連九豈只忌肉而不忘臟腑乎 主治熱氣目痛背傷

泣出明目腸澀腹痛下痢婦人陰中腫痛久服令人

不忘經本主五臟冷熱久下洩澀膿血止消渴大驚除

水利骨調胃厚腸益膽療口瘡別錄治五勞七傷益氣

止心腹痛驚悸煩躁潤心肺長肉止血天行熱疾止

盜汗并瘡疥猪肚蒸為丸治小兒疳氣殺蟲大明羸瘦

氣急藏器治鬱熱在中煩躁惡心兀兀欲吐心下痞滿

元素主心病逆而盛心積伏梁好古去心竅惡血解服藥

過劑煩悶及巴豆輕粉毒時

發明

元素曰黃連性寒味苦氣味俱厚可升可降陰中陽也入手少陰經其用有六瀉心臟火一也

去中焦濕熱二也諸瘡必用三也去風濕四也赤眼暴發五也止中部見血六也張仲景治九種心下痞五等瀉心湯皆用之成無己曰苦入心寒勝熱黃連大黃之苦寒以導心下之虛熱虺得甘則動得苦則安黃連黃蘗之苦以安虺也好古曰黃連苦燥苦入心火就燥瀉心者其實瀉脾也實則瀉其子也震亨曰黃連去中焦濕熱而瀉心火若脾胃氣虛不能轉運者則以茯苓黃芩代之以豬膽汁拌炒佐以龍膽草則大瀉肝膽之火下痢胃口熱禁口者用黃連人參煎湯終日呷之如吐再強飲但得一呷下咽便好劉完素曰古方以黃連為治痢之最蓋治痢惟宜辛苦寒藥卒能發散開通鬱結苦能燥濕寒能勝熱使

氣宣平而已諸苦寒藥多泄惟黃連黃蘗性冷而燥能降火去濕而止瀉痢故治痢以之為君宗奭曰今人多用黃連治痢蓋執以苦燥之義下俚但見腸虛滲泄微似有血便即用之又顧寒熱多少惟欲盡劑由是多致危困若氣實初病熱多血痢服之便止不必盡劑虛而冷者慎勿輕用杲曰諸痛拜瘡瘍皆屬心火凡諸瘡宜以黃連當歸為君甘草黃芩為佐凡退暴發赤腫痛不可忍者宜黃連當歸以酒浸煎之宿食不消心下痞滿者須用黃連枳實頌曰黃連治目方多而羊肝丸尤奇異今醫家洗眼以黃連當歸芍藥等分用雪水或甜水煎湯熱洗之冷即再溫甚益眼目但是風毒赤目花翳用之無不神效蓋眼目之病皆是血脈凝滯使然故以行血藥合黃連治之血得熱則行故乘熱洗也韓愈曰火分之病黃連為主不但瀉心火而與苓藥諸苦藥列稱者比也比目疾人以人乳浸蒸或點或服之生用為君佐以官

桂少許煎百沸入蜜空心服之能使心腎交於項刻
入五苓滑石大治夢遺以黃土薑汁酒蜜四炒為君
以使君子為臣白芍藥酒煮為佐廣木香為使治小
兒五疳以萊菔炒者加木香等分生大黃倍之水丸
治五痢此皆得制方之法也時珍曰黃連治目及痢
為要藥古方治痢香連丸用黃連木香薑連散用乾
薑黃連變通丸用黃連萊菔薑黃散用黃連生薑治
消渴用酒蒸黃連治伏暑用酒煮黃連治下血用黃
連大蒜治肝火用黃連萊菔治口瘡用黃連細辛皆
是一冷一熱一陰一陽寒因熱用熱因寒用君臣相
佐陰陽相濟最得制方之妙所以有成功而無偏勝
之害也弘景曰俗方多用黃連治痢及渴道方服食
長生慎微曰劉宋王微黃連讚云黃連味苦左右相
因斷涼滌暑闢命輕身縉雲昔御飛蹕上笑不行而
至吾聞其人又梁江淹黃連頌云黃連上草丹砂之
次禦孽辟妖長靈久視驂龍行天馴馬匝地鴻飛以

儀順道則利時珍曰本經別錄並無黃連久服長生之說惟陶弘景言道方久服長生神仙傳載封君達黑穴公並服黃連五十年得仙竊謂黃連大苦大寒之藥用之降火燥濕中病即當止豈可久服使肅殺之令常行而伐其生發沖和之氣乎素問岐伯言五味入胃各歸所喜攻久而增氣物化之常也氣增而久天之由也王冰註云酸入肝為溫苦入心為熱辛入肺為清鹹入腎為寒甘入脾為至陰而四氣兼之皆增其味而益其氣故各從本臟之氣為用所以久服黃連苦參反熱從火化也餘味皆然久則臟氣偏勝即有偏絕則有暴夭之道是以絕粒服餌之人不暴亡者無五味偏助也又秦觀與喬希聖論黃連書云聞公以眼疾餌黃連至十數兩猶不已殆不可也醫經有久服黃連苦參反熱之說此雖大寒其味至苦入胃則先歸於心久而不已心火偏勝則熱乃其理也况眼疾本於肝熱肝與心為子母心火也肝

亦火也腎孤臟也人患一水不勝二火豈可久服苦藥使心有所偏勝是以火救火其可乎秦公此書蓋因王公之說而推詳之也我明荆端王素多火病醫令服金花丸乃苓連危藥四味餌至數年其火愈熾遂至內障喪明觀此則寒苦之藥不但使人不能長生久則氣增偏勝速天之由矣當以素問之言為法陶氏道書之說皆謬談也楊上瀛云黃連能去心竅惡血

附方

新舊二十四

心經實熱

瀉心湯用黃連七錢水一盞半煎一盞食遠溫服小

兒減之

卒熱心痛

黃連八錢

外臺秘要

煎水

肝火為痛

和劑局方

黃連薑汁炒為末

粥糊九

梧子大每服三十九

白湯

下

左金丸用黃連六兩

茱萸一兩

同炒為末

神麩

糊丸梧子大每服三四

丹溪方

伏暑發熱

作渴嘔惡及赤白

痢消渴腸風酒毒

泄瀉諸病並宜酒煮黃龍丸主之用黃連一斤切以好酒二升半煮乾焙研糊丸梧子大每服五十九熟

水下日三服 **陽毒發狂** 奔走不定宣黃連寒水石等和劑局方 分為末每服三錢濃煎甘草

湯下 **骨節積熱** 漸漸黃瘦黃連四分切以童子小易簡方 便五大合浸經宿微煎三四沸去

滓分作二服 **小兒疳熱** 流注遍身瘡蝕或潮熱肚腹廣利方 作渴猪肚黃連丸用猪肚一

箇洗淨宣黃連五兩切碎水和納入肚中縫定放在五升粳米上蒸爛石臼搗千杵或入少飯同杵九錄

豆大每服二十九米飲下仍服調血清心之藥佐之蓋小兒之病不出于疳則出于熱常須識此 直指

方 **三消骨蒸** 黃連末以冬瓜自然汁浸一夜曬乾又浸如此七次為末以冬瓜汁和九梧子

大每服三四十九大麥湯下尋 **消渴尿多** 肘後方用常渴只一服見效 易簡方 黃連末蜜

九梧子大每服三十九白湯下 寶鑑用黃連半斤酒一升浸重湯內煮一伏時取晒為末水九梧子大

每服五十九溫水下 崔氏治消渴小便滑數如油

黃連五兩枯棗根五兩為末生地黄汁九梧子大每

牛乳下五十九日二服忌冷水猪肉 總錄用濕熱

黃連末入猪肚肉蒸爛搗九梧子大飯飲下

水病 黃連末蜜九梧子大每服二九至破傷風病連

五錢酒一盞煎七分入黃蠟三錢溶 小便白淫 因心

化熱服之 高文虎蓼花洲間錄

不足思想無窮所致黃連白茯苓等分為末酒糊九

梧子大每服三十九煎補骨脂湯下日三服 普濟

方 熱毒血痢 宣黃連一兩水一升煮取半升露一宿

空腹熱服少卧將息一二日即止

方 赤痢久下 累治不瘥黃連一兩雞子白和為餅炙

紫為末以漿水三升慢火煎成膏每服

本草綱目

半合溫米飲下一方只以熱毒赤痢黃連二兩切丸

雞子白和丸服勝金方兩焙為末入麝香少許每服二錢陳米飲焙令焦當歸一

下佛智和尚在闍以此濟人本事方赤白久痢

並無寒熱只日久不止用黃連四十九箇鹽梅七箇

入新瓶內燒烟盡熱研每服二錢鹽米湯下楊子

建護赤白暴痢如鷺鴨肝者痛不可忍用黃連黃芩

命方各一兩水二升煎一升分三次熱服

經方冷熱諸痢胡洽九蓋湯治下痢不問冷熱赤白

三十枚重一兩半龍骨如碁子大四枚重一兩大附

子一枚乾薑一兩半膠一兩半細切以水五合着銅

器中去火三寸煎沸便取下坐土上沸止又上水五

合如此九上九下納諸藥入水內再煎沸輒取下沸

止又上九上九下度可得一

升頓服即止圖經本草下痢腹痛赤白痢下令

人下部疼重

故名重下日夜數十行臍腹絞痛以黃連一升酒治
五升煮取一升半分再服當止絞痛也 肘後方治

痢香連丸

李絳兵部手集治赤白諸痢裏急後重腹
痛用宣黃連青木香等分搗篩白蜜丸梧

子大每服二三十九空服飲下日再服其效如神久
冷者以煨蒜搗和丸之不拘大人嬰兒皆效 易簡

方黃連茱萸炒過四兩木香麩煨一兩粟米飯丸

錢仲陽香連丸治小兒冷熱痢加煨熟訶子肉 又

治小兒瀉痢加煨熟肉豆蔻 又治小兒氣虛瀉痢
腹痛加白附子尖 劉河間治久痢加龍骨 朱丹

溪治禁口痢加石蓮肉 王氏治 五疳八痢 四治黃
痢渴加烏梅肉以阿膠化和為丸

連珠黃連一斤分作四分一分用酒浸炒一分用自
然薑汁炒一分用吳茱萸湯浸炒一分用益智仁同

炒去益智研末白芍藥酒煮切焙四兩使君子仁焙
四兩廣木香二兩為末蒸餅和丸綠豆大每服三十

九米飲食前下日三服忌傷寒下痢不能食者黃連一升烏梅二十

猪肉冷水韓氏醫道枝去核炙燥為末蠟一碁子大蜜一升合煎和九梧子大一服二十九日三服又方黃連二兩熟艾如

鴨子大一團水三升煮取一升頓服立止並肘後方氣痢後重裏急或下泄杜士方薑連

散用宣連一兩乾薑半兩各為末收每用連一錢薑半錢和勻空心溫酒下或米飲下神妙濟生方秘

傳香連丸用黃連四兩木香二兩生薑四兩以薑鋪砂鍋底次鋪連上鋪香新汲水三盞煮焙研醋調倉

米糊為丸如常日服五次小兒下痢赤白多時體弱不堪以宣連用水濃煎和蜜日服五六次

子母諸痢脾泄臟毒下血雅州黃連半斤去毛切裝肥猪大腸內紮定入砂鍋中以

水酒煮爛取連焙研末搗腸和九梧子大每服百九米湯下極效直指濕痢腸風選方

變通九治赤白下痢日夜無度及腸風下血用川黃連去毛吳茱萸湯泡過各二兩同炒香揀出各為末以粟米飯和九梧子大各收每服三十九赤痢甘草湯下黃連九白痢薑湯下茱萸九赤白痢各用十五九米湯下此乃浙西河山純老方救人甚效局方戊巳九治脾胃受濕下痢腹痛米穀不化用二味加白芍藥同炒研積熱下血聚金九治腸胃積熱或因蒸餅和丸服酒毒下血腹痛作渴脉弦數黃連四兩分作四分一分生用一分切炒一分炮切一分水浸晒研末條黃芩一兩防風一兩為末麩糊丸如梧子大每服五十九米泔浸枳殼水食前送下冬月加酒蒸大黃一兩楊氏家藏方臟毒下血黃連為末獨頭蒜煨研和九梧子大酒痔下血每空心陳米飲下四十九濟生方黃連酒浸煮熟為末酒糊九梧子大每服三四十九白湯下一方用自然薑汁浸焙炒

醫學集成

雞冠痔疾

黃連末傅之加赤小豆末尤良

斗門方

痔病祕結

用此寬腸黃連枳殼

等分為末糊九梧子大每服五十九空心米飲下

痢痔脫肛

冷水調黃連末塗之

良方

經

脾積食泄

川黃連二兩為末大蒜搗和九梧子大每服五十九白湯下

活人

水泄脾泄

神聖香黃散宣連一兩生薑四兩同以火炒至薑脆各自揀出為末水

泄用薑末脾泄用連末每服二錢空心白湯下甚者不過二服亦治痢疾

吐血不止

黃連一兩搗散每服一盞水七分入散二十粒煎至五分去滓溫服大人小兒皆治

目諸病

勝金黃連丸用宣連不限多少槌碎以新汲水一大盞浸六十日綿瀝取汁入原盞內重

湯上熬之不住攪之候乾即穿地坑子可深一尺以瓦鋪底將熟艾四兩坐在瓦上以火熬之以藥盞覆

上四畔泥封開孔出烟盡取刮下九小豆大每甜竹
葉湯下十九 劉禹錫傳信方羊肝九治男女肝經

不足風熱上攻頭目昏暗羞明及障翳青盲用黃連
末一兩羊子肝一具去膜搗爛和九梧子大每食後

暖漿水吞十四九連作五劑瘕昔崔承元活一死囚
囚後病死一旦崔病內障逾年半夜獨坐聞階除悉

宰之聲問之答曰是昔蒙活之囚今故報恩遂告暴
以此方而沒崔服之不數月眼復明因傳於世

赤眼痛

宣黃連剉以雞子清浸置地下一夜次早濾
過雞羽蘸滴目內 又方荅竹兩頭留節一

頭開小孔入黃連片在內油紙封浸井中一夜次早
服竹節內水加片腦少許外洗之 海上方用黃連

冬青葉煎湯洗之 選奇方用黃連乾薑杏
仁等分為末綿包浸湯閉目乘熱淋洗之 小兒赤

眼 水調黃連末貼足心 爛弦風眼 黃連十枝槐花輕
甚妙 全幼心鑑 粉少許為末男兒

乳汁和之飯上蒸過帛裏熨眼上
三四次即效屢試有驗
仁存方
目卒痒痛乳汁浸黃連頻

點背中抱扑子云治目
中百病外臺秘要
淚出不止黃連浸濃汁漬拭之肘後方
牙

痛惡熱黃連末搽之立止
李樓奇方
口舌生瘡肘後用黃連煎酒時含呷之赴筵

散用黃連乾薑等分為末
小兒口疳黃連蘆薈等分為末每蜜湯服五分走馬疳入蟾灰

香少許簡便方
小兒鼻蠶鼻下兩道赤色有疳以米疳洗淨用黃連末傅

之日三四次
張傑子母秘錄
小兒月蝕生於耳後黃連末傅之同上
小兒食土

取好黃土煎黃連汁搜之晒
乾與食姚和衆童子秘訣
預解胎毒小兒初生以黃連煎湯浴

之不生瘡及丹毒
又方未出聲時以黃連煎汁灌
一匙令終身不出斑已出聲者灌之斑雖發亦輕此

祖方也 王海 藏湯液本草 腹中鬼哭 黃連煎濃汁母常 因驚胎

動 出血取黃連末酒服方寸 妊娠子煩 黃連末每服

七日三服 子母秘錄

黃連煎濃汁母常 因驚胎

一錢粥飲下或酒蒸黃 癰疽腫毒 黃連檳榔等分為

連丸亦妙 婦人良方

黃連檳榔等分為

未以雞子清調搽 中巴豆毒 下利不止黃連乾薑等

之 王氏簡易方

中巴豆毒 下利不止黃連乾薑等

肘後方

胡黃連

宋開寶

釋名 割孤露澤

時珍曰其性味功用似黃連故名割孤露澤胡語也

集解

恭曰胡黃連出波斯國生海畔陸地苗若夏枯草根頭似烏嘴折之內似鸛鵒眼者良八月上

旬采之頌曰今南海及秦隴間亦有之初生似蘆乾則似楊柳枯枝心黑外黃不拘時月採折之壓出

如烟者乃

為真也

根氣味苦平無毒

恭曰大寒惡菊花玄參白鮮皮
解已豆毒忌猪肉令人漏精

主治補肝膽明目治骨蒸勞熱三消五心煩熱婦人

胎蒸虛驚冷熱洩痢五痔厚腸胃益顏色浸人乳汁

點目甚良

蘇恭

治久痢成疳小兒驚癇寒熱不下食霍

亂下痢傷寒欬溫瘧理腰腎去陰汗開寶去果子積

震亨

附方

舊二新傷寒勞復身熱大小便赤如血色用胡黃連一兩山庖子二兩去殼

入蜜半兩拌和炒令微焦為末用豬膽汁和九梧子大每服十九用生薑二片烏梅一箇童子小便三合浸半日去滓食後暖小便令溫吞之

小兒潮熱

往來盜汗

用南番胡黃連柴胡等分為末煉蜜九芡子大每服一九至五九安器中以酒少許化開便入水五分重湯煮二三十沸和滓服

孫兆秘寶方

小兒瘡熱

肚脹潮熱髮焦不可用大黃黃岑傷胃之

藥恐生別證以胡黃連五錢靈脂一兩為末雄豬膽汁和九綠豆大米飲服每服一二十九全幼心鑑

肥熱疳疾

胡黃連九用胡黃連黃連各半兩硃砂二錢半為末入豬膽內扎定以杖子鈞懸於

砂鍋內漿水煮一炊久取出研爛入盧會麝香各一分飯和九麻子大每服五七九至一二十九米飲下

錢乙小
兒方訣 **五心煩熱** 胡黃連末米飲服 小兒疳瀉 熱

不調胡黃連半兩綿薑一兩炮為末每服半錢甘草節湯下 衛生總微論 小兒自汗 盜汗

潮熱往來胡黃連柴胡等分為末蜜九芡子大每用一二九水化開入酒少許重湯煮一二十沸溫服

保幼 **小兒黃疸** 胡黃連川黃連各一兩為末用黃瓜

煨熟去麩搗九菘豆大每量大小溫水下 總微論 **吐血衄血** 胡黃連生地黃

汁九梧子大卧時茅花湯下五十九 善濟方 **血痢不止** 胡黃連烏梅肉竈

茶清下 善濟方 **熱痢腹痛** 胡黃連末飯九梧子大每米

赤目 茶調胡黃連末塗手足 **癰疽瘡腫** 已潰未潰皆

心即愈 濟急仙方 可用之胡黃

連穿山甲燒存性等分為末以
茶或雞子清調塗
簡易方
痔瘡疼腫
不可忍者
胡黃連末

鷲膽汁調塗之
孫氏集效方
怪病血餘
方見木部
扶苓下

黃芩

本經
中品

釋名腐腸

本經

空腸

別錄

內虛

別錄

妬婦

吳普

經芩

別錄

黃文

別錄

印頭

吳普

苦督郵

事記

內實者名子芩

景弘

條芩

綱目

狔尾芩

唐鼠尾芩

弘景曰

國者名子芩

破者名宿芩

其腹中

皆爛故名腐腸

時珍曰

芩說文作荃謂其

色黃也或云芩者黔也黔乃黃黑之色也宿芩乃舊

根多中空外黃內黑即今所謂片芩故又有腐腸妬

婦諸名妬婦心黔故以比之

今所謂條芩或云西芩多中空而色黔北芩多內實

本草綱目

十二

而深黃

集解

別錄曰黃芩生稀歸川谷及宛句三月三日采根陰乾弘景曰狝蹄屬建平郡今第一出彭城

鬱州亦有之惟深色堅實者好俗方多用道家不須
恭曰今出宜州鄜州涇州者佳兗州大實亦好名狝
尾芩頌曰今川蜀河東陝西近郡皆有之苗長尺餘
莖幹粗如筋葉從地四面作叢生類紫草高一尺許
亦有獨莖者葉細長青色兩兩相對六月開紫花根
如知母粗細長四五寸二月八月采根暴乾吳普本
草云二月生赤黃葉兩兩四面相值其莖空中或方
圓高三四尺四月花紫紅赤五月實黑根黃二月至
九月采與今所說有小異也

根氣味苦平無毒

別錄曰大寒普曰神農桐君雷公
苦無毒李當之小溫杲曰可升可

降陰也好古曰氣寒味微苦而甘陰中微陽入手太陰血分元素曰氣涼味苦甘氣厚味薄浮而升陽中陰也入手少陽陽明經酒炒則上行之才曰山茱萸龍骨為之使慈蔥實辰丹砂牡丹藜蘆得厚朴黃連止腹痛得五味子牡蠣令人有子得黃芪白斂赤小豆療鼠癩時珍曰得酒上行得豬膽汁除肝膽火得柴胡退寒熱得芍藥治下痢得桑白皮瀉肺火得白朮安胎

主治諸熱黃疸腸澼

洩痢逐水下血閉惡瘡疽蝕火瘍

本經

療痰熱胃中熱

小腹絞痛消穀利小腸女子血閉淋露下血小兒腹

痛

別錄

治熱毒骨蒸寒熱往來腸胃不利破擁氣治五

淋令人宣暢去關節煩悶解熱渴

甄權

下氣主天行熱

疾丁瘡排膿治乳癰發背明大涼心治肺中濕熱瀉肺

火上逆療上熱目中腫赤瘀血壅盛上部積血補勝

脫寒水安胎養陰退陽素治風熱濕熱頭疼奔豚熱

痛火效肺痿喉腥諸失血時珍

發明果曰黃芩之中枯而飄者瀉肺火利氣消痰除

退陽補勝脫寒水滋其化源高下之分與枳實枳殼

同例元素曰黃芩之用有九瀉肺熱一也上焦皮膚

風熱風濕二也去諸熱三也利胸中氣四也消痰膈

五也除脾經諸濕六也夏月須用七也婦人產後養

陰退陽八也安胎九也酒炒上行主上部積血非此

不能除下痢膿血腹痛後重身熱久不能止者與芍

藥甘草同用之凡諸瘡痛不可忍者宜芩連苦寒之藥詳上下分身稍及引經藥用之震亨曰黃芩降痰假其降火也凡去上焦濕熱瀕以酒洗過用片芩瀉肺火瀕用桑白皮佐之若肺虛者多用則傷肺必先以天門冬保定肺氣而後用之黃芩白朮乃安胎聖藥俗以黃芩為寒而不敢用蓋不知胎孕宜清熱涼血血不妄行乃能養胎黃芩乃上中二焦藥能降火下行白朮能補脾也羅天益曰肺主氣熱傷氣故身體麻木又五臭入肺為腥故黃芩之苦寒能瀉火補氣而利肺治喉中腥臭頌曰張仲景治傷寒心下痞滿瀉心湯凡四方皆用黃芩以其主諸熱利小腸故也又太陽病下之利不止喘而汗出者有葛根黃芩黃連湯及主妊娠安胎散亦多用之時珍曰潔古張氏言黃芩瀉肺火治脾濕東垣李氏言片芩治肺火條芩治大腸火丹溪朱氏言黃芩治上中二焦火而張仲景治少陽證小柴胡湯大陽少陽合病下利黃

苓湯少陽證下後心下滿而不痛瀉心湯並用之成
無已言黃芩苦而入心泄痞熱是黃芩能入手少陰
陽明手足太陰少陽六經矣蓋黃芩氣寒味苦色黃
帶綠苦入心寒勝熱瀉心火治脾之濕熱一則金不
受刑一則胃火不流入肺即所以救肺也肺虛不宜
者苦寒傷脾胃損其母也少陽之證寒熱胸脇痞滿
默默不欲飲食心煩嘔或渴或否或小便不利雖曰
病在半表半裏而胸脇痞滿實兼心肺上焦之邪心
煩喜嘔默默不欲飲食又兼脾胃中焦之證故用黃
芩以治手足少陽相火黃芩亦少陽本經藥也成無
已注傷寒論但云柴胡黃芩之苦以發傳邪之熱芍
藥黃芩之苦以堅斂腸胃之氣殊昧其治火之妙楊
士瀛直指方云柴胡退熱不及黃芩蓋亦不知柴胡
之退熱乃苦以發之散火之標也黃芩之退熱乃寒
能勝熱折火之本也仲景又云少陽證腹中痛者去
黃芩加芍藥心下悸小便不利者去黃芩加茯苓似

與別錄治少腹絞痛利小腸之文不合成氏言黃芩寒中若能堅腎故去之蓋亦不然至此當以意逆之辨以脉證可也若因飲寒受寒腹中痛及飲水心下悸小便不利而脉不數者是裏無熱證則黃芩不可用也若熱厥腹痛肺熱而小便不利者黃芩其不可用乎故善觀書者先求之理毋徒泥其文昔有人素多酒慾病少腹絞痛不可忍小便如淋諸藥不效偶用黃芩木通甘草三味煎服遂止王海藏言有人因虛服附子藥多病小便閉服芩連藥而愈此皆熱厥之痛也學者其可拘乎予年二十時因感冒效嗽既久且犯戒遂病骨蒸發熱膚如火燎每日吐痰益許暑月煩渴寢食幾廢六脉浮洪遍服柴胡麥門冬荆瀝諸藥月餘益劇皆以爲必死矣先君偶思李東垣治肺熱如火燎煩躁引飲而晝盛者氣分熱也宜一味黃芩湯以瀉肺經氣分之火遂按方用片芩一兩水二鍾煎一鍾頓服次日身熱盡退而痰嗽皆愈藥

中肯綮如鼓應桴醫中之妙有如此哉

附方

舊三新一十四

三黃丸

孫思邈千金方云已郡太守奏加減三黃丸療男子五癆七傷

消渴不生肌肉婦人帶下手足寒熱瀉五臟火春三月黃芩四兩大黃三兩黃連四兩夏三月黃芩六兩大黃一兩黃連七兩秋三月黃芩六兩大黃三兩黃連三兩冬三月黃芩三兩大黃五兩黃連二兩三物隨時合搗下篩蜜丸烏豆大米飲每服五九日三不知增至七九服一月病愈久服走及奔馬人用有驗

禁食豬肉

圖經本草

三補丸

治上焦積熱瀉五臟火黃芩黃連黃蘗等分為末蒸餅丸梧子

大每白湯下二三

肺中有火

清金丸用片芩炒為末水丸梧子大每服二三

十九白湯

丹溪纂要

膚熱如燎

方見發小兒驚啼

黃芩人參等分為末每服

一字水飲下

普濟方 肝熱生翳

不拘大人小兒黃芩一兩淡豉三兩為末每服三錢以熟

豬肝裹喫溫湯送下日二

服忌酒麩 衛生家寶方

少陽頭痛

亦治太陽頭痛不拘偏正小清

空膏用片黃芩酒浸透晒乾為末每服一錢茶酒任下

東垣蘭室秘藏 眉眶作痛 風熱有痰

黃芩酒浸白芷等分為末每服二錢茶下

潔古家珍 吐血衄血

或發或止積熱所致黃芩

一兩去中心黑朽者為末每服三錢水一盞煎六分

和滓溫服 聖惠方 吐衄下血 黃芩

水三升煎一升半每溫服一錢亦治婦人漏下血

龐安時卒病論 血淋熱痛 黃芩一

熱服 千金方 經水不斷

癸當住每月却行或過多不止用

條芩心二兩米醋浸七日炙乾又浸如此七次為末醋糊丸梧子大每服七十九空心溫酒下日二次

瑞竹 崩中下血 黃芩為細末每服一錢霹靂酒下以
堂方 杵鍾燒赤泮酒中也許學士云崩中

多用止血及補血藥此方乃治陽乘於陰
所謂天暑地熱經水沸溢者也 本事方 安胎清熱

條芩白朮等分炒為末米飲和九梧子大每服五十
丸白湯下或加神麴凡妊娠調理以四物去地黃加

白朮黃芩為末常服 產後血渴 飲水不止黃芩麥門
甚良 丹溪纂要 冬等分水煎溫服無

時 楊氏 灸瘡血出 一人灸火至五壯血出不止如
家藏方 尿手冷欲絕以酒炒黃芩二錢

為末酒服即止 老小火丹 黃芩末水調塗
李樓怪證奇方 梅師方

子主治腸澼膿血 別錄

秦艸 音交 本
經中品

釋名秦紉

唐本秦瓜

蕭炳

秦紉與紉同時

珍曰秦尤俗作秦膠

本名

以根作羅紋交糾者
佳故名秦尤秦紉

集解

別錄曰秦尤生飛鳥山谷二月八月采根暴乾弘景曰今出甘松龍洞蠶咬以根作羅紋相交

長大黃白色者為佳中多冲土用宜破去恭曰今出涇州鄜州岐州者良頌曰今河陝州郡多有之其根土黃色而相交糾長一尺以來粗細不等枝幹高五六寸葉婆婆連莖梗俱青色如萹萹葉六月中開花紫色似萹花當月結子每於春秋采根陰乾

根脩治

斲曰秦尤須於脚文處認取左文列為秦治疾右文列為尤即發脚氣凡用秦以布拭去

黃白毛乃用還元湯浸一宿日乾用時珍曰秦尤但以左文者為良分秦與尤為二名謬矣

氣味苦平無毒

別錄曰辛微溫大明曰苦冷元素曰氣微溫味苦辛陰中微陽可升可降

入手陽明經之才曰菖蒲為之使畏牛乳

主治寒熱邪氣寒濕風痺肢節

痛下水利小便

本經療風無問久新通身攣急別錄傳尸

骨蒸治疔及時氣大明牛乳點服利大小便療酒黃黃

疸解酒毒去頭風甄權除陽明風濕及手足不遂口噤

牙痛口瘡腸風瀉血養血榮筋元素泄熱益膽氣好古治

胃熱虛勞發熱時珍

發明

時珍曰秦兪手足陽明經藥也薰入肝膽故手足不遂黃疸煩渴之病瀕之取其去陽明之濕

熱也陽明有濕則身體酸疼煩熱有熱則日脯潮熱
骨蒸所以聖惠方治急勞煩熱身體酸疼用秦朮柴
胡一兩甘草五錢為末每服三錢白湯調下治小兒
骨蒸潮熱減食瘦弱用秦朮炙甘草各一兩每用一
二錢水煎服之錢
乙加薄荷葉五錢

附方

新舊五種

黃疸

崔元亮海上方云凡黃有數種
傷酒發黃誤食鼠糞亦作黃因

勞發黃多疾涕目有赤脉益憔悴或面赤惡心者是
也用秦朮一大兩剉作兩帖每帖用酒半升浸絞取
汁空腹服或利便止就中飲酒人易治屢用得力
貞元廣利方治黃病內外皆黃小便赤心煩口乾者
以秦朮三兩牛乳一大升煮取七合分溫再服
此方出於許仁則又孫真人方加芒消六錢
暴瀉

引飲

秦朮二兩甘草炙半兩每
服三錢水煎服 聖惠方

傷寒煩渴

心神躁熱
用秦朮一

兩牛乳一大盞煎六分分急勞煩熱方見發小兒骨

作二服 太平聖惠方
蒸上小便艱難或轉胞腹滿悶不急療殺人用秦朮

方加冬葵子等分為末 胎動不安秦朮甘草炙鹿角

酒服一七 聖惠方
每服三錢水一大盞糯米五十粒煎服 又方 發背

秦朮阿膠炒艾葉等分如上煎服 聖惠方
初起疑似者便以秦朮牛乳煎服得快利瘡口不合

一切皆治秦朮為
末糝之 直指方

莛胡本經上品

釋名地薰本經芸蒿別錄山菜吳普恭曰莛是古茹草柴守上林賦云莛

薑及爾雅云此草並作此此字此草根紫色今太常
用此胡是也又以木代系相承呼為柴胡目檢諸本
草無名此者時珍曰此字有柴紫二音此薑此草之
此皆音紫此胡之此音紫此胡生山中嫩則可茹老
則采而為柴故苗有芸蒿山菜茹草之名而根名柴
胡也蘇恭之說殊欠明古本張仲景傷寒論尚作此
也字

集解

別錄曰此胡葉名芸蒿辛香可食生弘農川谷
及宛甸二月八月采根暴乾弘景曰今出近道

狀如前胡而強博物志云芸蒿葉似邪蒿春秋有白
蕪長四五寸香美可食長安及河內並有之恭曰傷
寒大小柴胡湯為痰氣之要若以芸蒿根為之大謬
矣頌曰今關陝江湖間近道皆有之以銀州者為勝
二月生苗甚香莖青紫堅硬微有細線葉似竹葉而
稍緊小亦有似斜蒿者亦有似麥門冬葉而短者七

月開黃花根淡赤色似前胡而強生丹州者結青子
與他處者不類其根似蘆頭有赤毛如鼠尾獨窠長
者好毀曰茈胡出在平州平縣即今銀州銀縣也西
畔生處多有白鶴綠鶴于此飛翔是茈胡香直上雲
間若有過往聞者皆氣爽也承曰柴胡以銀夏者最
良根如鼠尾長一二尺香味甚佳今圖經所載俗不
識其真市人以同華者代之然亦勝於他處者蓋銀
夏地方多沙同華亦沙苑所出也機曰解散用北柴
胡虛熟用海陽軟柴胡為良時珍曰銀州即今延安
府神木縣五原城是其廢蹟所產柴胡長尺餘而微
白且軟不易得也北地所產者亦如前胡而軟今人
謂之北柴胡是也入藥亦良南土所產者不似前胡
正如蒿根強硬不堪使用其苗有如韭菜者竹葉者
以竹葉者為勝其如邪蒿者最下也按夏小正月令
云仲春芸始生倉頡解詁云芸蒿也似邪蒿可食亦
柴胡之類入藥不甚良故蘇恭以為非柴胡云近時

有一種根似桔梗沙參白色而大市人以偽充銀柴胡殊無氣味不可不辨

根脩治

斲曰凡采得銀州柴胡去鬚及頭用銀刀削去赤薄皮少許以粗布拭淨剉用勿令犯火

立便無效也

氣味苦平無毒

別錄曰微寒善曰神農岐伯雷公苦無毒大明曰甘元素曰氣味俱輕陽

也升也少陽經藥引胃氣上升苦寒以發散表熱果曰升也陰中之陽手足少陽厥陰四經引經藥也在臟主血在經主氣欲上升則用根以酒浸欲中及下降則用梢之才曰半夏為之使惡皂莢畏女菀菘蘆時珍曰行手足少陽以黃芩為佐

主治心腹腸胃中結

氣飲食積聚寒熱邪氣推陳致新久服輕身明目益

精本經除傷寒心下煩熱諸痰熱結實胸中邪逆五臟

間遊氣大腸停積水脹及濕痺拘攣亦可作浴湯

別錄

治熱勞骨節煩疼熱氣肩背疼痛勞乏羸瘦下氣消

食宣暢氣血主時疾內外熱不解單煮服之良甄權補

五勞七傷除煩止驚益氣力消痰止嗽潤心肺添精

髓健忘大明除虛勞散肌熱去早辰潮熱寒熱往來膽

痺婦人產前產後諸熱心下痞胸脇痛元素治陽氣下

陷平肝膽三焦包絡相火及頭痛眩暈目昏赤痛障

翳耳聾鳴諸瘧及肥氣寒熱婦人熱入血室經水不

調小兒痘疹餘熱五疳羸熱

時珍

發明

之才曰此胡得桔梗大黃石膏麻子仁甘草桂
以水一斗煮取四升入消石三方寸七瘵傷寒

寒熱頭痛心下煩滿頌曰張仲景治傷寒有大小柴
胡及柴胡加龍骨柴胡加芒消等湯故後人治寒熱
此為最要之藥呆曰能引清氣而行陽道傷寒外諸
有熱則加之無熱則不加也又能引胃氣上行升騰
而行春令者宜加之又凡諸瘧以柴胡為君隨所發
時所在經分佐以引經之藥十二經瘡疽中須用柴
胡以散諸經血結氣聚功與連翹同也好古曰柴胡
能去臟腑內外俱乏既能引清氣上行而順陽道又
入足少陽在經主氣在臟主血前行則惡熱却退則
惡寒惟氣之微寒味之薄者故能行經若佐以三稜

廣茂巴豆之類則能消堅積是主血也婦人經水適來適斷傷寒雜病易老俱用小柴胡湯加以四物之類并秦艽牡丹皮葶藶為調經之劑又言婦人產後血熱必用之藥也宗爽曰柴胡本經並無一字治勞今人治勞方中鮮有不用者嗚呼凡此誤世甚多嘗原病勞有一種其臟虛損復受邪熱因虛而致勞故曰勞者牢也當須斟酌用之如經驗方中治勞熱青蒿煎之用柴胡正合宜爾服之無不效熱去即須急止若或無熱得此愈甚雖至死人亦不怨目擊甚多日華子又謂補五勞七傷藥性論亦謂治勞乏羸瘦若此等病苟無實熱醫者執而用之不死何待注釋本草一字亦不可忽蓋萬世之後所誤無窮可不謹哉如張仲景治寒熱往來如瘧狀用柴胡湯正合其宜也時珍曰勞有五勞病在五臟若勞在肝膽心及包絡有熱或少陽經寒熱者則柴胡乃手足厥陰少陽必用之藥勞在脾胃有熱或陽氣下陷則柴胡乃引

清氣退熱必用之藥惟勞在肺腎者不用可爾然東垣李氏言諸有熱者宜加之無熱則不加又言諸經之瘡皆以柴胡為君十二經瘡疽須用柴胡以散結聚則是肺瘡腎瘡十二經之瘡有熱者皆可用之矣但要使用者精思病原加減佐使可也寇氏不分臟腑經絡有熱無熱乃謂柴胡不治勞乏一槩擯斥殊非通論如和劑局方治上下諸血龍腦雞蘇丸用銀柴胡浸汁熬膏之法則世人知此意者鮮矣按龐元英談藪云張知閣久病瘡熱時如火年餘骨立醫用茸附諸藥熱益甚召醫官孫琳珍之琳投小柴胡湯一帖熱減十之九三服脫然琳曰此名勞瘡熱從髓出加以剛劑氣血愈虧安得不瘦蓋熱有在皮膚在臟腑在骨髓非柴胡不可若得銀柴胡只須一服南方者力減故三服乃效也觀此則得用藥之妙的矣寇氏之說可盡憑乎

附方 舊一傷寒餘熱

傷寒之後邪入經絡體瘦肌熱推陳致新解利傷寒時氣伏著

倉卒並治不論長幼柴胡四兩甘草一兩
每用三錢水一盞煎服 許學士本事方 小兒骨熱

十五歲以下遍身如火日漸黃瘦盜汗欬煩渴柴
胡四兩丹砂三兩為末獾豬膽汁拌和飯上蒸熟九

綠豆大每服一九桃仁烏梅
湯下日三服 聖濟總錄 虛勞發熱柴胡人參等分每服三錢

薑棗同水煎 濕熱黃疸柴胡一兩甘草二錢半作一劑以水一盞白茅根一握煎

至七分任意時時服 眼目昏暗柴胡六銖決明子十銖治篩人乳汁和

傳目上久久夜見 積熱下痢柴胡黃芩等分半酒半水煎七分浸冷空服

五色 千金方 濟之 急方

苗主治卒龍耳擣汁頻滴之金

前胡

別錄中品

釋名

時珍曰按孫愐唐韻作前胡名義未解

集解

別錄曰前胡二月八月采根暴乾弘景曰近道皆有生下濕地出吳興者為勝根似柴胡而柔

軟為療殆欲同之本經上品有柴胡而無此晚來醫乃用之大明曰越衢婺睦等處者皆好七八月采之外黑裏白頌曰今陝西梁漢江淮荆襄州郡及相州孟州皆有之春生苗青白色似斜蒿初出時有白芽長三四寸味甚香美又似芸蒿七月內開白花與蔥花相類八月結實根青紫色今鄜延將來者大與柴胡相似但柴胡赤色而脆前胡黃而柔軟為不同爾一說今諸方所用前胡皆不同汴京北地者色黃白

主治痰滿胸脇中痞心腹結氣風頭痛去痰下氣治

傷寒寒熱推陳致新明目益精別錄能去熱實及時氣

內外俱熱單煮服之甄權治一切氣破癥結開胃下食

通五臟主霍亂轉筋骨節煩悶反胃嘔逆氣喘欬嗽

安胎小兒一切疳氣大清肺熱化痰熱散風邪時珍

發明時珍曰前胡味甘辛氣微平陽中之陰降也乃手足太陰陽明之藥與柴胡純陽上升入少陽

厥陰者不同也其功長于下氣故能治痰熱喘嗽痞膈嘔逆諸疾氣下則火降痰亦降矣所以有推陳致

新之績為痰氣要藥陶弘景言其與柴胡同功非矣治證雖同而所入所主則異

附方

舊

小兒夜啼

前胡搗篩蜜丸小豆大日服一丸
熱水下至五六丸以瘥爲度

濟方

防風

本經上品

釋名銅芸

本經

圓芸

吳普

圓草

別錄

屏風

別錄

蘭根

別錄

百枝

別錄

百蜚

吳普時珍曰防者禦也其功療風最要故名屏風者防風隱語也曰芸曰茵曰蘭者其花如茵

香其氣如芸蒿蘭也

集解

別錄曰防風生沙苑川澤及邯鄲琅琊上蔡二月十月采根暴乾普曰正月生葉細圓青黑黃

白五月黃花十月結實黑色弘景曰郿縣無名沙苑今第一出彭城蘭陵即近琅琊者薊州百市亦有之

次出襄陽義陽縣界亦可用惟以實而脂潤頭節堅如蚯蚓頭者為好恭曰今出齊州龍山最善淄州兗州青州者亦佳葉似牡蒿附子苗等沙苑在同州南亦出防風輕虛不如東道者陶云無沙苑誤矣頌曰今汴東淮浙州郡皆有之莖葉俱青綠色莖深而葉淡似青蒿而短小春初時嫩紫紅色江東宋亮人采作菜茹極爽口五月開細白花中心攢聚作大房似蔣蘿花實似胡荽子而大根土黃色與蜀葵根相類二月十月采之關中生者三月六月采之然輕虛不及齊州者良又有石防風出河中府根如蒿根而黃葉青花白五月開花六月采根暴乾亦療頭風脹痛時珍曰江淮所產多是石防風生于山石之間二月采嫩苗作菜辛甘而香呼為珊瑚菜其根粗醜其子亦可種吳綬云凡使以黃色而潤者為佳白者多沙堪不

氣味甘溫無毒

別錄曰辛無毒又頭者令人發狂又尾者發人痼疾善曰神農黃帝岐伯

桐君雷公扁鵲甘無毒李當之小寒元素曰味甘而甘氣溫氣味俱薄浮而升陽也手足太陽經之本藥好古曰又行足陽明太陰二經為肝經氣分藥杲曰防風能制黃芪黃芪得防風其功愈大乃相畏而相使者也之才曰得葱白能行周身得澤瀉葶藶本療風得當歸芍藥陽起石禹餘糧療婦人子臟風畏葶藶殺附子毒惡菘蘆白欬乾薑芫花主治大風頭眩痛惡風風邪目盲

無所見風行周身骨節疼痛久服輕身本經煩滿脇痛

風頭面去來四肢攣急字乳金瘡內瘰別錄治三十六

般風男子一切勞劣補中益神風赤眼止冷淚及癰

瘕通利五臟關脉五勞七傷羸損盜汗心煩體重能

安神定志勻氣脉

明大

治上焦風邪瀉肺實散頭目中

滯氣經絡中留濕主上部見血

元

搜肝氣

好古

葉主治中風熱汗出

別錄頌曰江東一種防風茹其嫩苗云動風與此文相反豈別

是一物耶

花主治四肢拘急行履不得經脉虛羸骨節間痛心

腹痛

甄權

子主治療風更優調食之

蘇恭

發明

元素曰防風治風通用身半已上風邪用身身半已下風邪用稍治風去濕之仙藥也風能勝

濕故爾能瀉肺實誤服瀉人上焦元氣呆曰防風治一身盡痛乃卒伍卑賤之職隨所引而至乃風藥中潤劑也若補脾胃非此引用不能行凡脊痛項強不可回顧腰似折項似拔者乃手足太陽証正當用防風凡瘡在胸膈已上雖無手足太陽証亦當用之為能散結去上部風病人身體拘倦者風也諸瘡見此証亦須用之錢仲陽瀉黃散中倍用防風者乃於土中瀉水也

附方

舊二新九

自汗不止

防風去蘆為末每服二錢浮麥煎湯服朱氏集驗方防風用楚

炒猪皮煎湯下

睡中盜汗

防風二兩芎藭一兩人參半兩為末每服三錢臨卧飲下易簡方

消風順氣

老人大腸秘瀆防風枳殼麩炒一兩甘草半兩為末每食前白湯服二錢簡便方

偏正頭風

防風白芷等分為末煉蜜九彈子
大每嚼一九茶清下 普濟方

破傷中

風

牙關緊急天南星防風等分為末每服二三匙童
子小便五升煎至四升分二服即止也 經驗後

方 小兒解顱

防風白及柏子仁等分為末以乳
汁調塗一日一換 養生主論

婦人

崩中

獨聖散用防風去蘆頭炙赤為末每服一錢以
麩糊酒調下更以麩糊酒投之此藥累經效驗

一方加炒黑蒲黃
等分 經驗方

解烏頭毒

附子天雄毒並用防風
煎汁飲之 千金方

解芫花毒

同上 解野菌毒 同上 解諸藥毒
已死只要心間
溫暖者乃是熱

物犯之只用防風一味搗
冷水灌之 萬氏積善堂

獨活

木經
上品

釋名羌活

經本

羌青

經本

獨搖草

別錄

護羌使者

經本

胡王使

者吳普長生草

弘景曰

一莖直上不為風搖故曰獨活別錄曰此草得風不搖無風自動故名

獨搖草大明曰獨活是羌活母也時珍曰獨活以羌中來者為良故有羌活胡王使者諸名乃一物二種也正如川芎撫芎白朮蒼朮之義入用微有不同後人以為二物者非矣

集解

別錄曰

獨活生雍州川谷或隴西南安二月八月采根暴乾弘景曰此州郡縣並是羌地羌活

形細而多節軟潤氣息極猛烈出益州北都西川者為獨活色微白形虛大為用亦相似而小不如至易蛀宜密器藏之頌曰獨活羌活今出蜀漢者佳春生苗葉如青麻六月開花作叢或黃或紫結實時葉黃者是夾石上所生葉青者是土脉中所生本經云二物同一類今人以紫色而節密者為羌活黃色而作

塊者為獨活而陶隱居言獨活色微白形虛大用與羌活相似今蜀中乃有大獨活類桔梗而大氣味亦不與羌活相類用之微寒而少效今又有獨活亦自蜀中來類羌活微黃而極大收時寸解乾之氣味亦芳烈小類羌活又有槐葉氣者今京下多用之極驗意此為真者而市人或擇羌活之大者為獨活殊未為當大抵此物有兩種西蜀者黃色香如蜜隴西者紫色秦隴人呼為山前獨活古方但用獨活今方既用獨活而又用羌活茲為謬矣機曰本經獨活一名羌活本非二物後人見其形色氣味不同故為異論然物多不齊一種之中自有不同仲景治少陰所用獨活必緊實者東垣治太陽所用羌活必輕虛者正如黃芩取枯飄者名片芩治太陰條實者名于芩治陽明之義同也況占方但用獨活無羌活今方俱用不知病宜兩用耶抑未之考耶時珍曰獨活羌活乃一類二種以中國者為獨活西羌者為羌活蘇頌

所說頗明按玉泉易簡方云羌活須用紫色有蟲頭
鞭節者獨活是極大羌活有白如鬼眼者尋常皆以
老宿前胡爲獨活者非矣近時江淮山中出一種土
當歸長近尺許白肉黑皮氣亦芬香如白芷氣人亦
謂之小白芷用充獨活解
散亦或用之不可不辨

根脩治

斲曰采得細剉以淫羊藿并搥二日暴乾去
管用免煩人心時珍曰此乃服食家治法尋

常去皮或
焙用爾

氣味苦甘平無毒

別錄曰微溫權曰苦辛元素曰獨
活微溫甘苦辛氣味俱薄浮而升

陽也足少陰行經氣分之藥羌活性溫辛苦氣味俱
薄浮而升陽也手足太陽行經風藥並入足厥陰少
陰經氣分之才曰脈實爲之便
引景曰藥無脈實恐是蟲實也
主治風寒所擊金瘡

止痛奔豚癰瘰女子疝瘕久服輕身耐老本經療諸賊

風百節痛風無問久新別錄獨活治諸中風濕冷奔喘

逆氣皮膚苦痒手足攣痛勞損風毒齒痛羌活治賊

風失音不語多痒手足不遂口面喎斜遍身瘧痺血

癩甄權羌獨活治一切風并氣筋骨攣拳骨節酸疼頭

旋目赤疼痛五勞七傷利五臟及伏梁水氣大明治風

寒濕痺酸痛不仁諸風掉眩頸項難伸李杲去腎間風

邪搜肝風瀉肝氣治項強腰痛好古散癰疽敗血元素

發明

卷曰療風宜用獨活兼水宜用羌活劉完素曰獨活不搖風而治風浮萍不沉水而利水因其

所勝而為制也張元素曰風能勝濕故羌活能治水濕獨活與細辛同用治少陰頭痛頭運目眩非此不能除羌活與川芎同用治太陽少陰頭痛透關利節治督脉為病脊強而厥好古曰羌活乃足太陽厥陰少陰藥與獨活不分二種後人因羌活氣雄獨活氣細故雄者治足太陽風濕相搏頭痛肢節痛一身盡痛者非此不能除乃却亂反正之主君藥也細者治足少陰伏風頭痛兩足濕痺不能動止者非此不能治而不治太陽之證時珍曰羌活獨活皆能逐風勝濕透關利節但氣有剛劣不同爾素問云從下上者引而去之二味苦辛而溫味之薄者陰中之陽故能引氣上升通達周身而散風勝濕按文系曰唐劉師貞之兄病風夢神人曰但取胡王使者浸酒服便愈師貞訪問皆不曉復夢其母曰胡王使者即羌活也

求而用之兄疾遂愈嘉謨曰羌活本手足太陽表裏引經之藥又入足少陰厥陰名列君部之中非比柔懦之主小無不入大無不通故能散肌表八風之邪利周身百節之痛

附方

舊七
新七

中風口噤

通身冷不知人獨活四兩好酒一升煎半升服千金方

中

風不語

獨活一兩酒二升煎一升大豆五合炒有聲以藥酒熱收蓋之良久溫服三合未瘥再服

陳延之
小品方

熱風癱瘓

常舉發者羌活二斤構子一升為末每酒服方寸七日三服

廣濟
方
產後中風

語清四肢拘急羌活三兩為末每服五錢酒水各一盞煎減半服小品

方
產後風虛

獨活白鮮皮各三兩水三升煮二升分三服耐酒者入酒同煮小品方

後腹痛

羌活二兩煎酒必效方

產腸脫出

方同上子母秘錄

妊娠浮

腫 羌活 蘿蔔子 同炒 香只取羌活為末 每服二錢 溫酒調下 一日一服 二日二服 三日三服 乃嘉興簿

張昌明所傳 **風水浮腫** 方同 **歷節風痛** 獨活 羌活 許學士本事方 上 松節等分

用酒煮過 每日空心 飲一盃 外臺秘要 **風牙腫痛** 肘後方用獨活煮酒 熱漱之 文潞公藥

準用獨活 地黃各三兩 為末 每服三錢 水一盞 煎和 滓溫服 臥時再服 **喉閉口噤** 羌活

牛蒡子 二兩 水煎一鍾 入白睛 垂至鼻 人睛忽垂至 鼻如黑角塞 聖濟錄

痛不可忍 或時時大便血出 痛名曰肝脹 用羌活 煎汁 服數盞 自愈 夏子益奇疾方 **太陽頭**

痛 羌活 防風 紅豆 等分為末 嚙鼻 玉機微義

土當歸 綱目

集解

關

根氣味辛溫無毒主治除風和血煎酒服之閃拘手

足同荆芥葱白煎湯淋洗之

時珍 出衛
生易簡方

都管草

宋圖
經

集解

頌曰都管草生宜州田野根似羌活頭歲長一
節苗高一尺許葉似土當歸有重臺二月八月

采根陰乾施州生者作蔓又名香穗蔓長丈餘赤色
秋結紅實四時皆有采其根枝淋洗風毒瘡腫時珍
曰按范成大桂海志云
廣西出之一莖六葉

根氣味苦辛寒無毒主治風腫癰毒赤疣以醋摩塗

之亦治咽喉腫痛切片含之立愈蘇頌解蜈蚣蛇毒時珍

升麻本經上品

釋名周麻

時珍曰其葉似麻其性上升故名按張揖廣雅及吳普本草並云升麻一名周升麻

則周或指周地如今人呼川升麻之義今別錄作周麻非省文即脫誤也

集解

別錄曰升麻生益州山谷二月八月采根日乾弘景曰舊出寧州者第一形細而黑極堅實今

惟出益州好者細削皮青綠色謂之雞骨升麻北部亦有而形虛大黃色皮半亦有而形大味薄不堪用人言是落新婦根不然也其形相似氣色非也落新婦亦解毒取葉按作小兒浴湯主驚忤藏器曰落新婦今人多呼爲小升麻功用同於升麻亦大小有殊也志曰升麻今高高出者色青功用不如蜀者頌曰

今蜀漢陝西淮南州郡皆有之以蜀川者爲勝春生
苗高三尺以來葉似麻葉並青色四月五月着花似
粟穗白色六月以後結實黑色
色根如蒿根紫黑色多鬚

根脩治

斲曰采得到去粗皮用黃精自然汁浸一宿
暴乾剉蒸再暴用時珍曰今人惟取裏白外

黑而紫實者謂之鬼臉
升麻去鬚及頭蘆剉用

氣味甘苦平微寒無毒

元素曰性溫味辛微苦氣味
俱薄浮而升陽也爲足陽明

太陰引經的藥得葱白白芷亦入手陽明太陰呆曰
引葱白散手陽明風邪引石膏止陽明齒痛人參黃
芪非此引之不能上行時珍曰升麻同柴胡
引生發之氣上行同葛根能發陽明汗

主治解

百毒殺百精老物殃鬼辟瘟疫瘴氣邪氣蠱毒入口

皆吐出中惡腹痛時氣毒癘頭痛寒熱風腫諸毒喉

痛口瘡久服不天輕身長年

本經

安魂定魄附啼泣

疳蠱遊風腫毒

大

小兒驚癇熱壅不通療癰腫豌豆

瘡水煎綿沾拭瘡上

甄權

治陽明頭痛補脾胃去皮膚

風邪解肌肉間風熱療肺痿欬唾膿血能發浮汗

元素

牙根浮爛惡臭太陽孰衄爲瘡家聖藥

好古

消斑疹行

瘀血治陽陷眩運胸脇虛痛久泄下痢後重遺濁帶

下崩中血淋下血陰痿足寒

時珍

發明

元素曰補脾胃藥非此為引用不能取效脾痺非此不能除其用有四手足陽明引經一也升

陽氣於至陰之下二也去至高之上及皮膚風邪三也治陽明頭痛四也臬曰升麻發散陽明風邪升胃中清氣又引甘溫之藥上升以補衛氣之散而實其表故元氣不足者用此於陰中升陽又緩帶脉之縮急比胃虛傷冷鬱遏陽氣於脾上者宜升麻葛根以升散其火鬱好占曰升麻葛根湯乃陽明發散藥若初病太陽證便服之發動其汗必傳陽明反成其害也宋肱活人書言瘀血入裏吐血衄血者犀角地黃湯乃陽明經聖藥如無犀角以升麻代之二物性味相遠何以代之蓋以升麻能引地黃及餘藥同入陽明也時珍曰升麻引陽明清氣上行柴胡引少陽清氣上行此乃稟賦素弱元氣虛餒及勞役饑飽生冷內傷脾胃引經最要藥也升麻葛根湯乃發散陽明風寒藥也時珍用治陽氣鬱遏及元氣下陷諸病時

行赤眼每有殊效神而明之方可執泥乎一人素飲酒因寒月哭母受冷遂病寒中食無薑蒜不能一啜至夏酷暑又多飲水兼懷怫鬱因病右腰一點脹痛牽引右脇上至胸口則必欲臥發則大便裏急後重頻欲登圓小便長而數或吞酸或吐水或作瀉或陽痿或厥逆或得酒少止或得熱稍止但受寒食寒或勞役或入房或怒或饑即時舉發一止則諸證泯然如無病人甚則日發數次服溫脾勝濕滋補消導諸藥皆微止隨發時珍思之此乃饑飽勞逸內傷元氣清陽陷遏不能上升所致也遂用升麻葛根湯合四君子湯加柴胡蒼朮黃芪煎服服後仍飲酒一二盃助之其藥入腹則覺清氣上行胸膈爽快手足和煖頭目精明神采迅發諸證如掃每發一服即止神驗無比若減升麻葛根或不飲酒則效便遲大抵人年五十以後其氣消者多長者少降者多升者少秋冬之令多而春夏之令少若稟受弱而有前諸證者並

宜此藥活法治之素問云陰精所奉其人壽陽精所降其人夭千古之下窺其奧而闡其微者張潔古李東垣二人而已外此則著叅同契悟真篇者旨與此同也又升麻能解痘毒惟初發熱時可用解毒痘已出後氣弱或泄瀉者亦少用其升麻葛根湯則見斑後必不可用為其解散也本草以升麻為解毒吐蠱毒要藥蓋以其為陽明本經藥而性又上升故也按范石湖文集云李燾為雷州推官鞠獄得治蠱方毒在上用升麻吐之在腹用藷金下之或合二物服之不吐則下此方活人甚多也

附方

新舊五八

服食丹砂

石泉公王方慶嶺南方云南方養生治病無過丹砂其方用升

麻末三兩研鍊過光明砂一兩以密九格
子大每日食後服三九蘇頌圖經本草
腕豆斑瘡

比歲有病天行發斑瘡頭面及身須臾周匝狀如火
燒瘡皆戴白漿隨決隨生不治數日必死瘡後癩黯

彌歲方減此惡毒之氣所為云晉元帝時此病自西北流起名虜瘡以蜜煎升麻時時食之并以水煮升

麻綿沾拭洗之辟瘡明目七物升麻九升麻犀角黃芩朴消厄子大黃各二兩

豉二升微熬同搗末蜜九梧子大覺四肢大熱大便難即服三十九取微利為度若四肢小熱只食後服

二十九非但辟瘡甚能卒腫毒起升麻磨醋頻喉痺

明目王方慶嶺南方作痛升麻片含嚙或以半兩煎服取吐胃熱齒痛升麻煎湯熱

或加生地黃直指方口舌生瘡升麻一兩黃連三分為熱沸

瘙癢升麻煎湯飲并小兒尿血蜀升麻五分水五合

一日一服和衆至寶方姚產後惡血不盡或經月半年以升麻

分半再服當吐下惡
物極良 千金翼方
解葭菘毒 升麻煮汁多服
挑生 外臺秘要

蠱毒 野葛毒并以升麻多射工溪毒 升麻烏翳煎水
煎頻飲之 直指方 服以滓塗之

肘後方

苦參 本經中品

釋名苦蕪 本經
苦骨 綱目
地槐 別錄
水槐 本經
菟槐 別錄
驕槐 別錄

野槐 綱目
白莖 別錄又名荇莖綠白陵郎虎麻時珍曰
苦以味名參以功名槐以葉形名也苦

蕪與菜部苦
蕪同名異物

集解 別錄曰苦參生汝南山谷及田野三月八月十月采根暴乾弘景曰近道處處有之葉極似槐

葉花黃色子作莢根味至苦慈頌曰其根黃色長五
七寸許兩指粗細三五莖並生苗高三四尺以來紫
碎青色極似槐葉春生冬凋其花黃白色七月結實
如小豆子河北生者無花子五月六月十月采根暴
乾時珍曰七八月結角如蘿蔔子
角內有子二三粒如小豆而堅

根脩治

穀曰采根用糯米濃泔汁浸一宿其腥穢氣
並浮在水面上須重重淘過即蒸之從已至

中取晒
切用

氣味苦寒無毒

之才曰玄參為之使惡貝母兔絲漏
蘆反藜蘆時珍曰伏水制雖黃疸消

主治心腹結氣癥瘕積聚黃疸弱有餘瀝逐水除癰

腫補中明目止淚

經本

養肝膽氣安五臟平胃氣令人

嗜食輕身定志益精利九竅除伏熱腸辟止渴醒酒

小便黃赤療惡瘡下部匿

別錄

漬酒飲治疥殺蟲

弘景

惡蟲脛酸

蘇恭

治熱毒風皮肌煩躁生瘡赤癩眉脫除

大熱嗜睡治腹中冷痛中惡腹痛

甄權

殺疔蟲炒存性

米飲服治腸風瀉血并熱痢

時珍

發明

元素曰苦參味苦氣沉純陰足少陰腎經君藥也治本經瀕用能逐濕頌曰古今方用治風熱

瘡疹最多宗奭曰沈存中筆談載其苦腰重久坐不能行有一將佐曰此乃病齒數年用苦參楷齒其氣味入齒傷腎所致也後有太常少卿舒昭亮亦用苦參楷齒歲久亦病腰自後悉不用之腰疾皆愈此皆

方書不載者震亨曰苦參能咳補陰氣或得之而致腰重者因其氣降而不升也非傷腎之謂也其治大風有功况風熱細疹乎時珍曰子午乃少陰君火對化故苦參黃蘗之苦寒皆能補腎蓋取其苦燥濕寒除熱也熱生風濕生出故又能治風殺虫惟腎水弱而相火勝者用之相宜若火衰精冷真元不足及年高之人不可用也素問云五味入胃名歸其所喜攻久而增氣物化之常也氣增而久天之由也王冰註云入肝爲溫入心爲熱入肺爲清入腎爲寒入脾爲至陰而兼四氣皆爲增其味而益其氣各從本臟之氣故久服黃連苦參而反熱者此其類也氣增不已則臟氣有偏勝偏勝則臟有偏絕故有暴夭是以藥不具五味不備四氣而久服之雖且獲勝久必暴夭但人踈忽不能精候爾張從正亦云凡藥皆毒也雖甘草苦參不可不謂之毒久服則五味各歸其臟必有偏勝氣增之患諸藥皆然學者當觸類而長之可

也至於飲食亦然又按史記云太倉公淳于意醫齊大夫病齧齒炙左手陽明脉以苦參湯日漱三升出入其風五六日愈此亦取其去風氣濕熱殺虫之義

附方

舊九新

熱病狂邪

不避水火欲殺人苦參末蜜丸梧子大每服十九薄荷湯

下亦可為末二錢

傷寒結胸

天行病四五日結胸滿痛壯熱苦參一兩以醋

水煎服千金方三升煮取一升二合飲之取吐即愈天行毒病穀疸非苦參醋藥不解及溫覆取汗良

外臺秘要**穀疸**

食勞

頭旋心忪鬱不安而發黃由失饑大食胃氣冲薰所致苦參三兩龍膽一合為末牛膽九梧子

大生大麥苗汁服五九日三服

肘後方**小兒身熱**

苦參煎湯浴之良外臺秘要**毒熱**

足腫

作痛欲脫者苦參煮酒漬之姚僧坦集驗方

夢遺食減

白色苦參三兩白朮五兩

牡礪粉四兩為末用雄豬肚一具洗淨砂瓶煮爛石
臼搗和藥乾則入汁凡小豆大每服四十九米湯下
日三服久服身肥食進而夢
遺立止 劉松石保壽堂方 小腹熱痛 青黑或赤色
不能喘者苦

參一兩醋一升半煎八合
分二服 張傑子母秘錄 中惡心痛 苦參三兩苦酒
一升半煮取八

合分二服 肘後方 飲食中毒 魚肉菜等毒上方煎服
取吐即愈 梅師方 血痢不

止 苦參炒焦為末水九梧子大每服
十五丸未飲下 孫氏仁存堂方 大腸脫肛 苦參
五倍

子陳壁土等分煎湯洗之以
木賊未傅之 醫方摘要 妊娠尿難 方見貝
母下 產後

露風 四肢苦煩熱頭痛者與小柴胡頭不痛者用苦
參二兩黃芩一兩生地黃四兩水八升煎二升

分數 齒縫出血 苦參一兩枯礬一錢為末
日三指之立驗 普濟方 齧齒風痛

方見發鼻瘡膿臭有虫也苦參枯礬一兩生地黃汁
明下三合水二盞煎三合少少滴之

普濟肺熱生瘡遍身皆是用苦參末粟米飲九梧子
方大每服五十九空心米飲下御

藥院遍身風疹痒痛不可忍胸頸臍腹及近隱皆然
方者亦多涎疾夜不得睡用苦參末一

兩皂角二兩水一升採濾取汁石器熬成膏和末九
梧子大每服三十九食後溫水服次日便愈寇宗

爽衍大風癩疾頌曰用苦參五兩切以好酒三斗漬
義三十日每飲一合日三服常服不絕

若覺痒即瘡張子和儒門事親用苦參末二兩以
猪肚盛之縫合煮熟取出去藥先餓一日次早先飲

新水一盞將猪肚食之如吐再食待一二時以肉湯
調無憂散五七錢服取出大小虫一二萬為效後以

不蛀皂角一斤去皮子煮汁入苦參末調糊下何首
烏末二兩防風末一兩半當歸末一兩芍藥末五錢

人參末三錢九梧子大每服三五十九溫酒或茶下
日三服仍用麻黃苦參荆芥煎水洗之 聖濟總錄

苦參九治大風癩及熱毒風瘡疥癬苦參九月末搗
取去皮暴乾取粉一斤枳殼麩炒六兩為末蜜九每

溫酒下三十九日二 腎臟風毒 及心肺積熱皮膚生
夜一服一方去枳殼 疥癩瘙癢時出黃水

及大風手足壞爛一切風疾苦參三十一兩荆芥穗
一十六兩為末水糊九梧子大每服三十九茶下

和劑上下諸瘻 或在項或在下部用苦參五升苦酒
局方 一斗漬三四日服之以知為度 肘

後鼠瘻惡瘡 苦參二斤露蜂蜜二兩麴二斤水二斗
漬二宿去滓入麥米二升釀熟稍飲日

三次 下部漏瘡 苦參煎湯日日 瘰癧結核 苦參四
肘後方 洗之 直指方 兩牛膝

汁凡菜豆大每煖水下二 湯火傷灼 苦參末油調傅
十凡 張文仲備急方 之 衛生寶鑑

赤白帶下

苦參二兩牡蠣粉一兩五錢為末以雄猪肚一箇水三盞煮爛搗泥和九梧子大每

服百九溫酒下

陸氏積德堂方

實十月氣味

收采同根

主治久服輕身不老明目餌如槐子

法有驗蘇恭

白鮮

音仙 本經中品

釋名白羶

景弘

白羊鮮地羊鮮

景圖

金雀兒椒

日華弘景曰俗

呼為白羊鮮氣息正似羊羶故又名白羶時珍曰鮮者羊之氣也此草根白色作羊羶氣其子纍纍如椒

故有諸名

集解

別錄曰白鮮皮生上谷川谷及寬甸四月五月采根陰乾弘景曰近道處處有以蜀中者為良

恭曰其葉似茱萸高尺餘根皮白而心實花紫白色根宜二月采若四月五月采便虛惡矣頌曰今河中江寧府滁州潤州皆有之苗高尺餘莖青葉稍白如槐亦似茱萸四月開花淡紫色似小蜀葵花根似小蔓青皮黃白而心實山人采嫩苗為菜茹

根皮氣味苦寒無毒

別錄曰鹹之才曰惡螻蛄桔梗茯苓萆薢

主治頭風

黃疸欬逆淋瀝女子陰中腫痛濕痺死肌不可屈伸

起止行步

本經

療四肢不安時行腹中大熱飲水欲走

大呼小兒驚癇婦人產後餘痛別錄治一切熱毒風惡

風風瘡疥癬赤爛眉髮脫脆皮肌急壯熱惡寒解熱

黃酒黃急黃穀黃勞黃甄權通關節利九竅及血脉通

小腸水氣天行時疾頭痛眼疼其花同功大治肺嗽

蘇頌

發明

時珍曰白鮮皮氣寒善行味苦性燥足太陰陽明經去濕熱藥也薰入手太陰陽明為諸黃風

痺要藥世醫止施之瘡科淺矣

附方

舊一鼠瘻已破出膿血者白鮮皮煮汁服一產

後中風

人虛不可服他藥者一物白鮮皮湯用新汲水三升煮取一升溫服陳延之小品方

延胡索

宋開寶

釋名玄胡索

好古曰本名玄胡索避宋真宗諱改玄爲延也

集解

藏器曰延胡索生奚國從安東來根如半夏色黃時珍曰奚乃東北夷也今二茅山西上龍洞

種之每年寒露後栽立春後生苗葉如竹葉樣三月長三寸高根叢生如芋卵樣立夏極起

根氣味辛溫無毒

珣曰苦甘杲曰甘辛溫可升可降陰中陽也好古曰苦辛溫純陽浮

也入手足太陰經

主治破血婦人月經不調腹中結塊崩中

淋露產後諸血病血運暴血衝上因損下血煮酒或

酒磨服

開寶

除風治氣暖腰膝止暴腰痛破癥瘕撲損

瘀血落胎明大治心氣小腹痛有神好古散氣治腎氣通

經絡李珣活血利氣止痛通小便時珍

發明珣曰主腎氣及破產後惡露或兒枕與三稜

胡索味苦微辛氣溫入手足太陰厥陰四經能行血

中氣滯氣中血滯故專治一身上下諸痛用之中的

妙不可言荆穆王妃胡氏因食蕎麥麩着怒遂病

口即吐不能奏功大便三日不通因思雷公炮炙論

云心痛欲死速覓延胡乃以玄胡索末三錢溫酒調

下即納入少頃大便秘行而痛遂止又華老年五十餘

病下痢腹痛垂死已備棺木予用此藥三錢米飲服

之痛即減十之五調理而安按方勺泊宅編云一人

病遍體作痛殆不可忍都下醫或云中風或云中濕

或云脚氣藥悉不效周離亨言是氣血凝滯所致用
 玄胡索當歸桂心等分爲末溫酒服三四錢隨量頻
 進以止爲度遂痛止蓋玄胡索能活血化氣第一品
 藥也其後趙待制霆因導引失節肢體拘攣亦用此
 數服而愈

附方

舊三新一十二

老小欬嗽

玄胡索一兩枯礬二錢半爲末每服二錢軟錫一塊和含

之存堂方

鼻出衄血

玄胡索末綿裏塞耳內左衄塞右右衄塞左

小便

尿血

玄胡索一兩朴消七錢半爲末每服四錢水煎服活人書

小便不通

捻頭散治

小兒小便不通用延胡索川若棟子等分爲末每服半錢或一錢白湯滴油數點調下錢仲湯小兒直

訣膜外氣疼

及氣塊延胡索不限多少爲末豬胰一具切作塊子炙熟蘸末頻食之勝金

方熱厥心痛

或發或止久不愈身熱足寒者用玄胡索去皮金鈴子肉等分爲末每溫酒或

白湯下二錢

聖惠方

下痢腹痛

方見發

婦女血氣

腹中刺痛經候不調

用玄胡索去皮醋炒當歸酒浸炒各一兩橘紅二兩爲末酒煮米糊九梧子大每服一百九空心艾醋湯下

濟

產後諸病

凡產後穢污不盡腹滿及產後血運心頭硬或寒熱不禁或心悶手

足煩熱氣力欲絕諸病並用延胡索炒研酒服二錢甚效

聖惠方

小兒盤腸

氣痛延

香等分炒研空心米飲量兒大小與服

疝氣危急

玄胡索炒全蠟去毒生

用等分爲末每服半錢

冷氣腰痛

玄胡索當歸桂心三味方見發明下

肢體拘痛

方同

偏正頭痛

不可忍者玄胡索七枚青黛二錢牙皂二箇去皮子

為末水和丸如杏仁大每以水化一九灌入病人鼻內隨左右口咬銅錢一箇當有涎出成益而愈 承

方類墜落車馬筋骨痛不止延胡索末豆淋酒服二錢日二服 聖惠方

貝母 本經中品

釋名蔞 爾雅音萌 勤母 別錄 苦菜 別錄 苦花 別錄 空草 別錄 藥實 弘景

曰形似聚貝子故名貝母時珍曰詩云言采其蔞即此一作蚤謂根狀如蚤也苦菜藥實與野苦蕒黃藥

子同名

集解 別錄 曰貝母生晉地十月采根暴乾恭曰其葉似大蒜四月蒜熟時采之良若十月苗枯根亦

不佳也出潤州荊州襄州者最佳江南諸州亦有頌曰今河中江陵府郢壽隨鄭蔡潤滁州皆有之二月

生苗莖細青色葉亦青似蕎麥葉隨苗出七月開花
碧綠色形如鼓子花八月采根根有瓣子黃白色如
聚貝子此有數種陸機詩疏云蔕貝母也葉如枯樓
而細小其子在根下如芋子正白四方連累相着有
分解今近道出者正類此郭璞注爾雅言白花葉似
韭此種罕復見之穀曰貝母中有獨顆團不作兩片
無皺者號曰丹龍精不入藥用誤服令人筋
脉束不收惟以黃精小藍汁服之立解

根脩治

穀曰凡使先於柳木灰中炮黃擘去內口鼻
中有米許大者心一顆後拌糯米於釜上同

炒待米黃
去米用

氣味辛平無毒

別錄曰苦微寒恭曰味甘苦不辛之
才曰厚朴白微爲之使惡桃花畏秦

尤莽草卷
石反烏頭

主治傷寒煩熱淋瀝邪氣疝瘕喉痺乳難

金瘡風痙

經本

療腹中結實心下滿洗洗惡風寒目眩

項直欬嗽上氣止煩熱渴出汗安五臟利骨髓

別錄

之不饑斷穀

弘景

消痰潤心肺末和沙糖丸含止嗽燒

灰油調傅人畜惡瘡欬瘡口

大明

主胸脇逆氣時疾黃

疽研末點目去膚腎以七枚作末酒服治產難及胞

衣不出與連翹同服主項下瘤癭疾

甄權

發明

承曰貝母能散心胸鬱結之氣故詩云言采其
尚是也作詩者本以不得志而言今用治心中

氣不快多愁鬱者殊有功信矣好古曰貝母乃肺經
氣分藥也仲景治寒實結胸外無熱證者三物小陷

胸湯主之九散亦可以其內有貝母也成無已云辛散而苦泄枯梗貝母之苦辛用以下氣機曰俗以半夏有毒用貝母代之夫貝母乃太陰肺經之藥半夏乃太陰脾經陽明胃經之藥何可以代若虛勞欬嗽吐血咯血肺痿肺癰婦人乳癰癰疽及諸鬱之證半夏乃禁忌皆貝母爲向導猶可代也至於脾胃濕熱涎化爲痰久則生火痰火上攻昏憤僵仆寒瀉諸證生死旦夕亦豈貝母可代乎頌曰貝母治惡瘡唐人記其事云江左嘗有商人左膊上有瘡如人面亦無他苦商人戲以酒滴口中其面赤色以物食之亦能食多則膊內肉脹起或不食則一臂痺焉有名醫教其歷試諸藥金石草木之類悉無所苦至貝母其瘡乃聚眉閉目商人喜因以小葦筒毀其口灌之數日成痂遂愈然不知何疾也本經言主金瘡此豈金瘡之類與

附方

新十一

憂鬱不伸

胸膈不寬貝母去心薑汁炒研
薑汁麩糊丸每服七十九粒士

鎖甲煎湯下

化痰降氣

止咳解鬱消食除脹有奇效
用貝母去心一兩薑制厚朴

集效方

半兩蜜九梧子大每白小兒哮喘
湯下五十粒筆峯方小兒哮喘
貝母五錢甘草半

生半炙二錢為末沙糖丸
每米飲化下一丸全幼心鑑
孕婦欬嗽貝母去

黃為末沙糖拌丸
含燕一丸神效救急易方
妊娠尿難飲食如故用
貝母苦參當

歸四兩為末蜜九小豆大每飲
服三九至十九金匱要畧
乳汁不下二母散貝
母知母壯

礪粉等分為細末每猪蹄湯調服二
錢此祖傳方也王海藏湯液本草
冷淚目昏貝母
一枚

胡椒七粒為末點
之儒門事親方
目生弩肉
肘後用貝母真丹等分
為末日點摘玄方用

貝母丁香等分
爲末乳汁調點
吐血不止
貝母炮研溫漿水服二錢 聖惠方
衄血不

止
貝母炮研末 兼水服二錢 良久再服 普濟方
小兒驚口
滿口白爛 貝母去心爲末 半錢

水五分 蜜少許 煎三沸 繳淨
吹奶作痛
貝母末吹鼻 抹之日四五度 聖惠方 中大效 危

氏得
乳癰初腫
貝母末酒服二錢 仍令人 效方 吮之即通 仁齋直指方
便癰腫痛

貝母白芷等分 爲末 酒調服 或
紫白癩斑
貝母南星 酒煎服以滓貼之 永類鈴方 等分爲末

生薑帶汁 擦之
德生堂方 用貝母 乾薑等分 爲末 如澡豆入蜜室中 浴擦得汗 爲妙 談楚翁方 以生

薑擦動 醋磨貝母 塗之
聖惠方 用 貝母百部等分 爲末 自然 薑汁調搽
蜘蛛咬傷
縛定 咬處

勿使毒行 以貝母末 酒服半兩 至醉
良久酒化 爲水 自瘡口出水 盡仍塞瘡口 甚妙 仁齋直指方
蛇

蠍咬傷方同上

山慈姑

宋嘉祐

釋名金燈

拾遺

鬼燈檠

綱目

朱姑

綱目

鹿蹄草

綱目

無義草

時珍

曰根狀如水慈姑花狀如燈籠而朱色故有諸名段成式酉陽雜俎云金燈之花與葉不相見人惡種之謂之無義草又有試劍草亦名鹿蹄草與此同名見後草之五

集解

藏器曰山慈姑生山中濕地葉似車前根如慈姑大明曰零陵間有一種團慈姑根如小蒜所

主畧同時珍曰山慈姑處處有之冬月生葉如水仙花之葉而狹二月中枯一莖如箭幹高尺許莖端開花白色亦有紅色黃色者上有黑點其花乃眾花簇成一朵如絲組成可愛三月結子有三稜四月初苗

枯即掘取其根狀如慈姑及小蒜遲則苗腐難尋矣
根苗與老鴉蒜極相類但老鴉根無毛慈姑有毛殼
包裏為異爾
用之去毛殼

根氣味甘微辛有小毒主治癰腫瘡癩癰癥結核等

醋磨傅之亦剝人面皮除肝蠶藏器主疔腫攻毒破皮

解諸毒蠱毒蛇蟲狂犬傷時珍

附方新粉滓面黥

山慈姑根夜塗
旦洗 普濟方

牙齦腫痛紅燈籠
枝根煎

湯漱吐孫

癰疽疔腫

惡瘡及黃疽慈姑連根同蒼
耳草等分搗爛以好酒一鍾

天仁集效方
濾汁溫服或乾之為末

酒服三錢乾坤生意

風痰癩疾

金燈花根似蒜
者一箇以茶清

研如泥日中時以茶調下即臥日中良久吐出雞
子大物永不發如不吐以熱茶投之 奇效良方 萬

病解毒丸

一名太乙紫金丹一名玉柅丹解諸毒療
諸瘡利關節治百病起死回生不可盡述

凡居家遠出行兵動眾不可無此山慈姑去皮洗極
淨焙二兩用五倍于洗刮焙二兩十金子仁白者研
紙壓去油一兩紅芽大戟去蘆洗焙一兩半麝香三
錢以端午七夕重陽或天德月德黃道上吉日預先
齋戒盛服精心治藥為末陳設拜禱乃重羅令勻用
糯米濃飲和之木臼杵千下作一錢一錠病甚者連
服取利一二行用溫粥補之凡一切飲食藥毒蠱毒
瘴氣河豚土菌死牛馬等毒並用涼水磨服一錠或
吐或利即愈癰疽發背疔腫楊梅等一切惡瘡風癩
赤遊痔瘡並用涼水或酒磨塗日數次立消陰陽二
毒傷寒狂亂瘟疫喉痺喉風並用冷水入薄荷汁數
匙化下心氣痛并諸氣用淡酒化下泄瀉痢下霍亂

紋腸沙用薄荷湯下中風中氣口緊眼歪五癩五癇
鬼邪鬼胎筋攣骨痛並暖酒下自縊溺水鬼迷心頭
溫者冷水磨灌之傳尸癆瘵涼水化服取下惡物蟲
積為妙久近瘡疾將發時東流水煎桃枝湯化服女
人經閉紅花酒化服小兒驚風五疳五疔薄荷湯下
頭風頭痛酒研貼兩太陽上諸腹鼓脹麥芽湯化下
風蟲牙痛酒磨塗之亦吞少許打撲傷損松節煎酒
下湯火傷毒蛇惡犬一切虫傷並冷水磨塗仍服之

王璆百
一選方

葉主治瘡腫入蜜搗塗瘡口候清血出效慎塗乳癰

便毒尤妙時珍

附方新中溪毒生瘡

朱姑葉搗爛塗之生冬間
葉如蒜葉 外臺秘要

花主治小便血淋瀉痛同地藥花陰乾每用三錢水

煎服聖
慮

石蒜

宋圖
經

釋名烏蒜

綱目

老鴉蒜

救荒

蒜頭草

綱目

漣漣酸

綱目

一枝箭

綱目
水麻

圖經時珍曰蒜以根
狀名箭以莖狀名

集解

頌曰水麻生昂州黔州其根名石蒜九月采之
或云金燈花根亦名石蒜即此類也時珍曰石

蒜處處下濕地有之古謂之烏蒜俗謂之老鴉蒜一
枝箭是也春初生葉如蒜秧及山慈姑葉背有劍脊
四散布地七月苗枯乃于平地抽出一莖如箭幹長
尺許莖端開花四五朵六出紅色如山丹花狀而瓣

長黃蕊長鬚其根狀如蒜皮色紫赤肉白色比有小毒而救荒本草言其可煉熟水浸過食葢爲救荒爾一種葉如大韭四五月抽莖開花如小萱花黃白色者謂之鐵色箭功與此同二物並抽莖開花後乃生葉葉花不相見與金燈同

根氣味辛甘溫有小毒主治傅貼腫毒蘇頌疔瘡惡核

可水煎服取汗及擣傅之又中溪毒者酒煎半升服

取吐良

時珍

附方新便毒諸瘡

一枝箭擣爛塗之即消若毒大甚者洗淨以生白酒煎服得微汗即

愈王永輔濟世方

產腸脫下

老鴉蒜即酸頭草一朶以水三益煎一益半去滓熏洗神效

危氏得效方

小兒驚風

大叫一聲就死者名老鴉驚以散麻纏住脇下及手心足心以燈火

爆之用老鴉蒜晒乾車前子等分爲末水調貼手心仍以燈心焯手足心及肩膊眉心鼻心即醒也王日

新小兒方

水仙

會編

釋名金盞銀臺

時珍曰此物宜卑濕處不可缺水故名水仙金盞銀臺花之狀也

集解

機曰水仙花葉似蒜其花香甚清九月初栽于肥壤則花茂盛瘦地則無花五月初收根以童

尿浸一宿晒乾懸火煖處若不移宿根更旺時珍曰水仙叢生下濕處其根似蒜及薤而長外有赤皮裹之冬月生葉似薤及蒜春初抽莖如蔥頭莖頭開花數朵大如簪頭狀如酒盃五尖上承黃心宛然盞樣

其花瑩韻其香清幽一種千葉者花皺下輕黃而上淡白不作盃狀人重之指為真水仙蓋不然乃一物二種爾亦有紅花者按段成式酉陽雜俎云祿祇出拂林國根大如雞卵葉長三四尺似蒜中心抽條莖端開花六出紅白色花心黃赤不結子冬生夏死取花壓油塗身去風氣據此形狀與水仙彷彿宜外國名謂不同耶

根氣味苦微辛滑寒無毒

土宿真若曰取汁伏永煮雄黃拒火

主治癰

腫及魚骨哽

時珍

花氣味

缺

主治作香澤塗身理髮去風氣又療婦人

五心發熱同乾荷葉赤芍藥等分爲末白湯每服二

錢熱自退也

時珍

出衛

生易簡方

白茅

本經中品

釋名根名茹根

本經

蘭根

本經

地筋

別錄時珍曰茅葉如茅故謂之茅其根牽

連故謂之茹易曰拔茅連茹是也有數種夏花者爲
茅秋花者爲管二物功用相近而名謂不同詩云白
華菅兮白茅束兮是也別錄不分茅管乃二種謂茅
根一名地管一名地筋而有名未用又出地筋一名
管根蓋二物之根狀皆如筋可
通名地筋不可並名管也正之

集解

別錄曰茅根生楚地山谷田野六月采根引景
曰此即今白茅管詩云露彼菅茅是也其根如

渣芹甜美頌曰處處有之春生茅布地如針俗謂之
茅針亦可噉甚益小兒夏生白花茸茸然至秋而枯
其根至潔白六月采之又有管亦茅類也陸璣草木
疏云管似茅而滑無毛根下五寸中有白粉者柔勒

宜爲索漚之尤善其末漚者名野管入藥與茅功等
時珍曰茅有白茅菅茅黃茅香茅芭茅數種葉皆相
似白茅短小三四月開白花成穗結細實其根甚長
白軟如筋而有節味甘俗呼綠茅可以苦葢及供祭
祀苞苴之用本經所用茅根是也其根乾之夜視有
光故腐則變爲螢火管茅只生山上似白茅而長入
秋抽莖開花成穗如荻花結實尖黑長分許粘衣刺
人其根短硬如細竹根無節而微甘亦可入藥功不
及白茅爾雅所謂白華野管是也黃茅似管茅而莖
上開葉莖下有白粉根頭有黃毛根亦短而細硬無
節秋深開花穗如管可爲索絢古名黃管別錄所用
管根是也香茅一名菁茅一名瑯茅生湖南及江淮
間葉有三脊其氣香芬可以包藉及縮酒禹貢所謂
荊州苞匭菁茅是也芭茅叢生葉大如蒲長六七尺
有二種即芒
也見後芒下

茅根氣味甘寒無毒主治勞傷虛羸補中益氣除痰

血閉寒熱利小便

經本

下五淋除客熱在腸胃止渴

堅筋婦人崩中久服利人

別錄

主婦人月經不勻通血

脉淋瀝

大明

止吐衄諸血傷寒噦逆肺熱喘急水腫黃

疸解酒毒

時珍

發明

弘景曰茅根服食斷穀甚良俗方稀用惟煎汁

療淋及崩中瀉時珍曰白茅根甘能除伏熱利小便故能止諸血噦逆喘急消渴治黃疸水腫乃良

物也世人因微而忽之惟事苦寒之劑致傷冲和之

氣烏足知此哉

附方

舊二新十二

山中辟穀

凡辟難無人之境取白茅根洗淨咀嚼或石上曬乾搗末

水服方寸七可辟穀不饑

肘後方温病冷啗

因熱甚飲水成暴冷啗者茅根切枇杷葉拭去

毛炙香各半斤水四升煎二升去滓稍飲之

龐安常傷寒卒病論温病熱噦乃伏

胃令人胸滿則氣逆逆則噦或大下胃中虛冷亦致噦也茅根切葛根切各半斤水三升煎一升半每温

飲一觥噦止即停

同上反胃上氣

食入即吐茅根芦根二兩水四升煮二升頓服得下良

聖濟總錄肺熱氣喘

生茅根一握咬咀水二盞煎一盞食後温服甚者三服止名如神湯

方虛後水腫

因飲水多小便不利用白茅根一大把小豆三升水三升煮乾去茅食豆水隨

小便下也肘後方

五種黃病

黃疸穀疸酒疸女疸勞疸也黃汗者乃大汗出入水所致身體

微腫汗出如黃藥汁用生茅根一把解中酒毒
恐爛
細切以猪肉一片合作羹食肘後
五臟

茅根汁飲一小便熱淋
白茅根四升水一斗五升煮
升千金方
取五升適冷暖飲之日三服

肘小便出血
茅根煎湯頻飲為
後方佳
談莖翁方
勞傷溺血
茅根乾
薑等分

入蜜一匙水二鍾鼻衄不止
茅根為末米泔水
煎一鍾日一服
服二錢
聖惠方
吐血

不止千金翼用白茅根一握水煎服之
婦人良方用根洗搗汁日飲一合
竹木入肉

白茅根燒末猪脂和塗之風
已成腫者亦良
肘後方

茅針即初生苗也
拾遺

氣味甘平無毒大明
日涼
主治下水別錄
治消渴能破血甄權

通小腸治鼻衄及暴下水水煮服之惡瘡癰腫軟癰
未潰者以酒煮服一針一孔二針二孔生按傅金瘡

止血

藏器

花氣味甘溫無毒主治煎飲止吐血衄血并塞鼻又
傅灸瘡不合罨刀箭金瘡止血并痛

大明

屋上敗茅氣味苦平無毒主治卒吐血剉三升酒浸
煮一升服和醬汁研傅斑瘡及蠶嚙瘡

藏器

四角茅主

鼻洪

大明

發明

時珍曰按陳文中小兒方治痘瘡潰爛難磨不乾多年墻屋上爛茅擇洗焙乾為末搽之此蓋

取其性寒而解毒又多受雨露霜雪之氣薰能燥濕也

附方

新婦人陰痒

墻頭爛茅荆芥牙皂等分煎水頻熏洗之

摘玄方

大便閉

塞

服藥不通者滄鹽三錢屋簷爛草節七箇為末每用一錢竹筒吹入肛內一寸即通名提金散 聖

濟方

卒中五尸

其狀腹痛脹急不得氣息上冲心胸旁攻兩脇或硃礪涌起或牽引腰脊此乃

身中尸鬼接引為害取屋上四角茅入銅器中以三尺帛覆腹着器布上燒茅令熱隨痛追逐下痒自

瘥後方

地筋

別錄有未用

釋名管根

錄別土筋同

集解

別錄曰地筋生漢中根有毛三月生四月實白三月三日采根弘景曰疑此即是白茅而小異

也藏器曰地筋如地黃根葉並相似而細多毛生平澤功用亦同地黃李邕方中用之時珍曰此乃黃管毛之根也功與白茅根相同詳見白茅下陳藏器所說別是一物非管根也

氣味甘平無毒主治益氣止渴除熱在腹臍利筋

別錄

根苗花功與白茅同

時珍

芒

拾遺

校正

併入拾遺石芒敗芒箔

釋名杜榮

爾雅

芭芒

志

芭茅

時珍曰芒爾雅作苕今俗謂之芭茅可以爲籬

芭故也

集解

藏器曰爾雅芭杜榮郭璞注云草似茅皮可爲繩索履屨也今東人多以爲箔又曰石芒生高山如芒而節短江西呼爲折草六七月生穗如荻時珍曰芒有二種皆叢生葉皆如茅而大長四五尺甚

快利傷人如鋒刃七月抽長莖開白花成穗如蘆葦花者芒也五月抽短莖開花如芒者石芒也並於花將放時剝其籜皮可爲繩箔草履諸物其莖穗可爲掃帚也

莖氣味甘平無毒主治人畜爲虎狼等傷恐毒入內

取莖雜葛根濃煮汁服亦生取汁服藏器煮汁服散血

時珍

敗芒箔主治產婦血滿腹脹血渴惡露不盡月閉止

好血下惡血去鬼氣疰痛癥結酒煮服之亦燒末酒

下彌久着煙者佳

藏器

龍膽

本經中品

釋名陵游

志曰葉如龍葵味苦如膽因以爲名

集解

別錄曰龍膽生齊胸山谷及寬句二月八月十一月十二月采根陰乾弘景曰今出近道以吳

興者爲勝根狀似牛膝其味甚苦頌曰宿根黃白色下抽根十餘條類牛膝而短直上生苗高尺餘四月生葉如嫩蒜細莖如小竹枝七月開花如牽牛花作鈴鐸狀青碧色冬後結子苗便枯俗呼草龍膽又有

山龍膽味苦澆其葉經霜雪不凋山人用治四肢疼痛與此同類而別種也采無時

根脩治

數曰采得陰乾用時銅刀切去鬚上頭子剉細甘草湯浸一宿漉出暴乾用

氣味苦澆大寒無毒

數曰空腹餌之令人溺不禁之才曰貫衆小豆爲之使惡地黃

防主治骨間寒熱驚癇邪氣續絕傷定五臟殺蠱毒

經本除胃中伏熱時氣溫熱熱泄下痢去腸中小蟲益

肝膽氣止驚惕久服益智不忘輕身耐老別錄治小兒

壯熱骨熱驚癇入心時疾熱黃癰腫口乾甄權客忤疳

氣熱狂明目止煩治瘡疥大明去目中黃及睛赤腫脹

痰肉高起痛不可忍元退肝經邪熱除下焦濕熱之

腫瀉膀胱火

李杲

療咽喉痛風熱盜汗

時珍

發明

元素曰龍膽味苦性寒氣味俱厚沉而降陰也足厥陰少陽經氣分藥也其用有四除下部風

濕一也及濕熱二也臍下至足腫痛三也寒濕脚氣四也下行之功與防已同酒浸則能上行外行以柴胡爲主龍膽爲使治眼中疾必用之藥好古曰益肝膽之氣而泄火時珍曰相火寄在肝膽有瀉無補故龍膽之益肝膽之氣正以其能瀉肝膽之邪熱也但大苦大寒過服恐傷胃中生發之氣反助火邪亦久服黃連反從火化之義別錄

附方

舊四新六

傷寒發狂

草龍膽爲末入雞子清白蜜化涼水服二錢

傷寒蘊要 四

肢疼痛

山龍膽根細切用生薑自然汁浸一宿去其性焙乾搗末水煎一錢七溫服之比與龍膽

同類別種經霜不凋

蘇頌園經本草

穀疸勞疸

因勞而得用龍膽一

兩苦參三兩爲末牛膽汁和九梧子大先食以麥飲服五九日三服不愈稍增勞疸加龍膽一兩庖子仁

三七枚以猪膽

刪繁方

一切盜汗

婦人小兒一切盜汗又治傷寒後盜汗不止龍膽草

研末每服一錢猪膽汁三兩點入溫酒少許調服

揚氏家藏方

小兒盜汗

身熱龍膽草防

風各等分爲末每服一錢米飲調下亦可九服及水煎服

嬰童百問

咽喉熱痛

龍膽搗水

服之集簡方

暑行目澀

生龍膽搗汁一合黃連浸汁眼中一匙和點之危氏得效方

漏膿

龍膽草當歸等分爲末每服二錢溫水下

鴻飛集

蛔蟲攻心

刺痛吐清水龍膽一

兩去頭剉水二盞煮一盞隔宿
勿食平旦頓服之 聖惠方
卒然尿血 不止龍膽
一虎口水

五升者取二升半分爲
五服 姚僧坦集驗方

細辛 本經上品

釋名小辛

本經

少辛

頌曰華州真細辛根細而味極辛
故名之曰細辛時珍曰小辛少辛

皆此義也按山海經云浮戲之山多少
辛管子云五沃之土羣藥生少辛是矣

集解

別錄曰細辛生華陰山谷二月八月采根陰乾
弘景曰今用東陽臨海者形段乃好而辛烈不

及華陰高麗者用之去其頭節當之曰細辛如葵赤
黑一根一葉相連頌曰今處處有之皆不及華陰者
爲真其根細而極辛今人多以杜衡爲之杜衡根似
飯帚密鬪細長四五寸微黃白色江淮呼爲馬蹄香

不可誤用宗爽曰細辛葉如葵赤黑色非此則杜衡也杜衡葉如馬蹄之下故俗名馬蹄香蘆根似白前又似細辛按沈括夢溪筆談云細辛出華山極細而直柔靱深紫色味極辛嚼之習習如椒而更甚於椒本草云細辛水漬今直是以杜衡偽為之也東南所用細辛皆杜衡也杜衡黃白色拳曲而脆乾則成團又謂之馬蹄襄漢間又有一種細辛極細而直色黃白乃是鬼督郵亦非細辛也時珍曰博物志言杜衡亂細辛自古已然矣沈氏所說甚詳大抵能亂細辛者不止杜衡皆當以根苗色味細辨之葉似小葵柔莖細根直而色紫味極辛者細辛也葉似馬蹄莖微粗根曲而黃白色味亦辛者杜衡也一莖直上莖端生葉如繖根似細辛微粗直而黃白色味辛微苦者鬼督郵也似鬼督郵而色黑者及已也葉似小桑根似細辛微粗長而黃色味辛而有臊氣者徐長卿也葉似柳而根似細辛粗長黃白色而味苦者白微也

似白微而白直
味甘者白前也

根脩治

數日凡使細辛切去頭子以瓜水浸
宿暴乾用須揀去雙葉者服之害人

氣味辛溫無毒

善曰神農黃帝雷公桐君小溫岐伯
無毒李當之小寒權曰苦辛之才曰

曾青棗根爲之使得當歸芍藥白芷芎藭牡丹藜本
甘草共療婦人得決明鯉魚膽青羊肝共療目痛惡
黃芪狼毒山茱萸忌生菜
狸肉畏消石滑石反藜蘆
主治欬逆上氣頭痛腦動

百節拘攣風濕痺痛死肌久服明目利九竅輕身長

年

本經

溫中下氣破痰利水道開胸中滯結除喉痺躄

鼻不聞香臭風癩癩疾下乳結汗不出血不行安五

臟益肝膽通精氣別錄添膽氣治嗽去皮風濕痒風眼

淚下除齒痛血閉婦人血瀝腰痛甄權含之去口臭景弘

潤肝燥治督脉為病脊強而厥好古治口舌生瘡大便

燥結起目中倒睫時珍

發明宗奭曰治頭面風痛不可缺此元素曰細辛氣温味大辛氣厚于味陽也升也入足厥陰少陰

血分為手少陰引經之藥香味俱細故入少陰與獨活相類以獨活為使治少陰頭痛如神亦止諸陽頭

痛諸風通用之味辛而熱温少陰之經散水氣以去内寒成無已曰水停心下不行則腎氣燥宜辛以潤

之細辛之辛以行水氣而潤燥杲曰膽氣不足細辛補之又治邪氣自裏之表故仲景少陰證用麻黃附

子細辛湯時珍曰氣之厚者能發熱陽中之陽也辛溫能散故諸風寒風濕頭痛痰飲胸中滯氣驚癇者宜用之口瘡喉痺墜蓋諸病用之者取其能散浮熱亦火鬱則發之之義也辛能泄肺故風寒欬嗽上氣者宜用之辛能補肝故膽氣不足驚癇眼目諸病宜用之辛能潤燥故通少陰及耳竅便瀉者宜用之承曰細辛非華陰者不得爲真若單用未不可過一錢多則氣悶塞不通者死雖死無傷近年開平獄中嘗治此不可不記非本有毒但不識多寡耳

附方

舊二新六

暗風卒倒

不省人事細辛末吹入鼻中危氏得效方

虛寒嘔

噦

飲食不下細辛去葉半兩丁香二錢半爲末每服一錢柿蒂湯下

小兒客忤

口不能言

細辛桂心末等分以少許內口中

外臺秘要小兒口瘡

細辛末醋調貼臍上衛生家寶方

口舌生瘡

細辛黃連等分爲末摻之漱涎甚效名口

瘡鑿齒

腫痛細辛煮濃汁熱含冷吐取瘡

鼻中息肉

細辛末時

聖惠諸般耳聾

細辛末溶黃蠟九鼠屎大綿裹一丸塞之一二次即愈須戒怒氣名聰耳

丸
經驗方
龔氏

杜衡

別錄中品

釋名杜葵

綱目

馬蹄香

唐本

土鹵

爾雅

細辛

綱目

恭曰杜衡葉似葵形

似馬蹄故俗名馬蹄香頌曰爾雅杜又名土鹵然杜若亦名杜衡或疑是杜若而郭璞注云似葵當是杜

也

集解

別錄曰杜衡生山谷三月三日采根熟洗暴乾
弘景曰根葉都似細辛惟氣小異爾處處有之

方藥少用惟道家服之令人身衣香恭曰生山之陰
水澤下濕地葉似槐形如馬蹄根似細辛白前等今
俗以及已代之謬矣及已獨莖莖端四葉葉間白花
殊無芳氣有毒服之令人吐惟療瘡疥不可亂杜衡
也頌曰今江淮間皆有之春初於宿根上生苗葉似
馬蹄下狀高二三寸莖如麥蒿粗細每窠上有五七
葉或八九葉別無枝蔓又於莖葉間罅內莖頭上貼
地生紫花其花似見不見暗結實如豆大窠內有碎
子似天仙子苗葉俱青經霜即枯其根成空有似飯
帚密開細長四五寸粗於細辛微黃白色味辛江淮
俗呼爲馬蹄香謹按山海經云大帝之山有草焉狀
如葵其臭如薜蘿名曰杜衡可以走馬食之已瘕郭
璞注云帶之可以走馬或曰馬符之而健走也宗爽
曰杜衡用根似細辛但根色白葉如馬蹄之下市人

往往以亂細辛將二物相對便見真偽况細辛惟出華州者良杜衡色黃拳局而脆乾則作團詳細辛下時珍曰按土宿本草云杜細辛葉圓如馬蹄紫背者良江南荆湖川陝閩廣俱有之取自然汁可伏硫砒

汞制

根氣味辛溫無毒主治風寒欬逆作浴湯香人衣體

別錄止氣奔喘促消痰飲破雷血項間癭瘤之疾甄權下

氣殺蟲時珍

發明

時珍曰古方吐藥往往用杜衡者非杜衡也乃及已也及已似細辛而有毒吐人昔人多以及

已當杜衡杜衡當細辛故爾錯誤也杜衡則無毒不吐人功難不及細辛而亦能散風寒下氣消痰行水

破血也

附方

新

六風寒頭痛

傷風傷寒頭痛發熱初覺者馬蹄香爲末每服一錢熱酒調下少頃

飲熱茶一盞催之出汗即愈
名香汗散 王英杏林摘要

飲水停滯

大熱行極及食熱餅後飲

冷水過多不消停滯在胸不利呼吸喘息者杜衡三分瓜蒂二分人參一分爲末湯服一錢日二服取吐
爲度 肘後方 痰氣哮喘 馬蹄香焙研每服二三錢正發時淡醋調下少頃吐出痰涎爲驗

普濟方 噎食膈氣

馬蹄香四兩爲末好酒三升熬膏每服二匙好酒調下日三服 孫氏集

效方 吐血瘀聚

凡吐血後心中不悶者必止若煩躁悶亂刺服者尚有瘀血在胃宜吐之方同

飲水停滯

喉閉腫痛

草藥金鎖匙即馬蹄草以根搗并華水調下即效 救急方

附錄木細辛

藏器曰味苦溫有毒主腹內結聚癥瘕大便不利推陳去惡破冷氣未可輕服

令人利下至困生終南山冬月不凋苗如大戟根似細辛

及已別錄下品

釋名獐耳細辛

時珍曰及已名義未詳二月生苗先開白花後方生葉三片狀如獐耳根

如細辛故名獐耳細辛

集解

恭曰及已生山谷陰虛軟地其草一莖莖頭因葉隙着白花根似細辛而黑有毒今人以當杜

衡非也二月采根日乾

根氣味苦平有毒

恭曰入口使人吐血

主治諸惡瘡疥痂癩蝕

及牛馬諸瘡

唐本

頭瘡白禿風瘙皮膚蟲痒可煎汁浸

并傳之

大殺蟲時

珍

發明

弘景曰今人以合瘡疥膏甚驗時珍曰今人不知及已往往以當杜衡却以杜衡當細辛故杜

衡諸方多是及已也
辯見細辛杜衡二條

附方
一新頭瘡白禿

瘡耳細辛其味香辣爲未以
槿木煎油調搽
活幼全書

鬼督郵

唐本草

釋名獨搖草

唐本時珍曰此草獨莖而葉攢其端無
風自動故曰鬼獨搖草後人訛爲鬼督

郵爾因其專主鬼病猶司鬼之督郵也古者傳舍有
督郵之官主之徐長卿赤箭皆治鬼病故並有鬼督

郵之名名
同而物異

集解

恭曰鬼督郵所在有之有必叢生苗惟一莖莖

端生葉若繖狀根如牛膝而細黑今人以徐長
卿代之非也保昇曰莖似細箭筍高二尺以下葉生
莖端狀如傘花生葉心黃白色根橫生而無鬚二月
八月采根徐長卿赤箭並有鬼督郵之名而主治不
同宜審用之時珍曰鬼督郵與及已同類根苗皆相
似但以根如細辛而色黑者爲及已
根如細辛而色黃白者爲鬼督郵

根脩治

數曰凡采得細剉用生甘
草水煮一伏時日乾用

氣味辛苦平無毒

時珍曰
有小毒

主治鬼疰卒忤中惡心腹

邪氣百精毒溫瘧疫疾強腰脚益膂力

唐本

發明

時珍曰按東晉深師方治上氣欬嗽邪嗽鱗嗽冷嗽四滿丸用鬼督郵同蜈蚣芫花躑躅諸毒

藥爲丸則其有毒可知矣非毒藥不能治鬼疰邪惡之病唐本云無毒益不然

徐長卿

本經上品

校正

今據吳氏本草併入石下長卿

釋名鬼督郵

本別仙蹤

蘇頌時珍曰徐長卿人名也常以此藥治邪病人遂以名

之名醫別錄於有名未用復出石下長卿條云一名徐長卿陶弘景注云此是誤爾方家無用亦不復識今攷二條功療相似按吳普本草云徐長卿一名石下長卿其爲一物甚明但石間生者爲良前人欠審故爾差舛弘景曰鬼督郵之名甚多今俗用徐長卿者其根正如細辛小短扁扁爾氣亦相似今狗脊散用鬼督郵者取其强悍宜腰脚故知是徐長卿而非鬼箭赤箭

集解

別錄曰徐長卿生泰山山谷及隴西三月采又曰石下長卿生隴西山谷池澤三月采恭曰所

在川澤有之葉似柳兩葉相當有光澤根如細辛微粗長黃色而有臊氣今俗以代鬼督郵非也鬼督郵自有本條保昇曰生下濕川澤之間苗似小桑兩葉相對三月苗青七月八月着子似蘿摩子而小九月苗黃十月凋八月采根日乾頌曰今淄齊淮泗間皆有之三月四月采謂之別仙蹤時珍曰鬼督郵及己之亂杜衡其功不同苗亦不同也徐長卿之亂鬼督郵其苗不同其功同也杜衡之亂細辛則根苗功用皆彷彿乃彌近而大亂也不可審

根脩治

斲日凡采得粗杵拌少蜜令適以瓷器盛蒸三伏時日乾用

氣味辛溫無毒

別錄曰石下長卿鹹平有毒普曰徐長卿一名石下長卿神農雷公辛時

珍曰治鬼之藥多有毒當從別錄
多主
治鬼物百精蠱毒疫疾邪惡氣

溫瘧久服強悍輕身

經本

益氣延年又曰石下長卿主

鬼疰精物邪惡氣殺百精蠱毒老魅注易亡走啼哭

悲傷恍惚別錄

發明

時珍曰枹朴子言上古辟瘟疫有徐長卿散良效今人不知用此

附方二 小便關格

徐長卿湯治氣壅關格不通小便淋結臍下妨悶徐長卿炙半兩茅

根三分木通冬葵子一兩滑石二兩檳榔一分瞿麥穗半兩每服五錢水煎入朴消一錢溫服日二服

聖惠方

注車注船

凡人登車船煩悶頭痛欲吐者宜用徐長卿石長生車前子車下李根皮

各等分搗碎以方囊繫半合于衣帶及頭上則免此患肘後方

白微

木經中品

釋名薇草

別錄

白幕

別錄

春草

本經

蒺

音尾

骨美

時珍

曰微

細

也其根

細而

白也按爾雅蒺春草也微蒺音相近則白微又蒺音之轉也別錄以蒺爲莽草之名誤矣

集解

別錄曰

白微

生平原

川谷

三月三日

采根陰乾

弘景曰

近道處處有之

頌曰

今陝西諸郡及舒

滌潤遼州亦有之莖葉俱青類柳葉六七月開紅花八月結實其根黃白色類牛膝而短小今人八月

采之

根脩治

數曰凡采得以糯米泔汁浸一宿取出去髭於槐砧上細剉蒸之從申至巳晒乾用時珍

曰後人惟
以酒洗用

氣味苦鹹平無毒

別錄曰大寒之才曰惡黃芪大黃
大戟乾薑大棗乾漆山茱萸

主治暴中風身熱肢滿忽忽不知人狂惑邪氣寒熱

酸疼溫瘧洗洗發作有時本經療傷中淋露下水氣利

陰氣益精久服利人別錄治驚邪風狂瘧病百邪鬼魅

引景風溫灼熱多眠及熱淋遺尿金瘡出血時珍

發明好古曰古方多用治婦人以本草有療傷中淋
露之故也時珍曰白微古人多用後世罕能知

之按張仲景治婦人產中虛煩嘔逆安中益氣竹皮
丸方中用白微同桂枝一分竹皮石膏三分甘草七

分棗肉爲大丸每以飲化一九服云有熟者倍白微則白微性寒乃陽明經藥也徐之才藥對言白微惡大棗而此方又以棗肉爲丸蓋恐諸藥寒涼傷脾胃爾朱肱活人書治風溫發汗後身猶灼熱自汗身重多眠鼻息必齟語言難出者萎蕤湯中亦用之孫真人千金方有詔書發汗白微散焉

附方新五肺實鼻塞

不知香臭白微貝母款冬花一兩百部二兩爲末每服一錢米飲下

濟方普婦人遺尿

不拘胎前產後白微芍藥各一兩爲末酒服方寸七日三服千金方

血淋熱淋方同婦人血厥

身不動搖目閉口噤或微

知人眩暈移時方寤此名血厥亦名鬱胃出汗過多血少陽氣獨上氣塞不行故身如死氣過血還陰陽復通故移時方寤婦人尤多此證宜服白微湯用白微當歸各一兩人參半兩甘草一錢半每服五錢水

二盞煎一盞溫服
本事方

金瘡血出

白微爲末貼之
儒門事親

白前

別錄
中品

釋名石藍

唐嗽藥

同上時珍曰
名義未詳

集解

弘景曰白前出近道根似細辛而大色白不柔
易折氣嗽方多用之恭曰苗高尺許其葉似柳

或似芫花根長于細辛白色生州渚沙磧之上不生
近道俗名石藍又名嗽藥今用蔓生者味苦非真也
志曰根似白微牛膝葶二月八月采陰乾用嘉謨曰
似牛膝粗長堅直易斷者白前也似牛膝短小柔軟
能彎者白微也近道俱有形色類同以此別之不致差誤

根脩治

數曰凡用以生甘草水浸一伏
時澆出去頭鬚于焙乾收用

氣味甘微溫無毒

惟曰辛恭
曰微寒

主治胸脇逆氣欬嗽上

氣呼吸欲絕

別錄

主一切氣肺氣煩悶賁豚腎氣大降

氣下痰

時珍

發明

宗爽曰白前能保定肺氣治嗽多用以溫藥相佐使尤佳時珍曰白前色白而味微辛甘手太

陰藥也長於降氣肺氣壅實而有痰者宜之若虛而長吸氣者不可用也張仲景治嗽而脉浮澤漆湯中亦用之其方見金匱要畧藥多不錄

附方

舊二
新一

久嗽唾血

白前桔梗桑白皮三兩炒甘草一兩炙水六升煮一升分三服

忌猪肉菘菜
外臺久欬上氣

體腫短氣脹滿晝夜倚壁不得卧常作水雞聲者白前湯主之

白前二兩紫莞半夏各三兩大戟七合以水一斗漬一宿煮取三升分作數服禁食羊肉錫鱸大佳深師方患嘔呷欬嗽喉中作聲不得眠取白前焙搗為末每溫酒服二錢深師方

草犀

拾遺

釋名

時珍曰其解毒之功如犀角故曰草犀

集解

藏器曰草犀生衢婺洪饒間苗高二三尺獨莖根如細辛生水巾者名水犀珣曰廣州記云生嶺南及海中獨莖對葉而生如燈臺草根若細辛

根氣味辛平無毒主治解一切毒氣虎狼蟲虺所傷溪毒野蠱惡刺等毒並宜燒研服之臨死者亦得活

李珣 天行瘧瘴寒熱欬嗽痰壅飛尸喉痺瘡腫小兒寒

熱丹毒中惡注忤痢血等病煮汁服之嶺南及睦婺

間中毒者以此及千金藤並解之

藏器

釵子股

海藥

校正

併入拾遺金釵股

釋名金釵股

時珍曰石斛名金釵花此草狀似之故名

集解

藏器曰金釵股生嶺南及南海山谷根如綉辛每莖三四十根珣曰忠州萬州者亦佳草莖功

力相似緣嶺南多毒家家貯之時珍曰按嶺表錄云廣中多蠱毒彼人以草藥金釵股治之十救八七其狀如石斛也又忍冬藤解毒亦號金釵股與此同名云

根氣味苦平無毒主治解毒癰疽神驗以水煎服

李珣

解諸藥毒者汁服亦生研更烈必大吐下如無毒亦

吐去熱痰瘧瘴天行蠱毒喉痺

藏器

吉利草

綱目

集解

時珍曰按嵇含南方草木狀云此草生交廣莖如金釵股形類石斛根類芍藥吳黃武中江夏

李侯徙合浦遇毒其奴吉利偶得此草與服遂解而吉利即適去侯以此濟人不知其數也又高涼郡產良耀草葉如麻黃花白似牛李秋結子如卜粟煨食解毒功亞于吉利草始因梁耀得之因以爲名轉梁耳

根氣味苦平無毒主治解蠱毒極驗時珍

百兩金

宋圖經

集解

頌曰百兩金生戊州雲安軍苗高二三尺有幹如木葉似荔枝初生背面俱青結花實後背紫

面青凌冬不凋初秋開花青碧色結實大如豆生青熟赤采根入藥槌去心中河中府出者根如蔓菁赤色莖細青色四月開碎黃花似星宿花五月采根長及一寸晒乾用

根氣味苦平無毒主治壅熱咽喉腫痛合一寸嚙津

又治風涎

蘇頌

硃砂根

綱目

集解

時珍曰硃砂根生深山中今惟太和山人采之苗高尺許葉似冬青葉背甚赤夏月長茂根大

如筋赤色此與

百兩金彷彿

根氣味苦涼無毒主治咽喉腫痺磨水或醋嚥之甚

良

時珍

辟虺雷

唐本草

釋名辟蛇雷

綱目時珍曰此物辟蛇虺有威故以雷名之

集解

恭曰辟虺雷狀如粗塊蒼朮節出有眼時珍曰今川中我眉鶴鳴諸山皆有之根狀如蒼朮大

者若拳彼人以充方物苗狀當俟訪問

根氣味苦大寒無毒主治解百毒消痰祛大熱頭痛

辟瘟疫

唐本

治咽喉痛痺解蛇虺毒

時珍

錦地羅

綱目

集解

時珍曰錦地羅出廣西慶遠山巖間鎮安歸順柳州皆有之根似草薺及枯樓根狀彼人頗重

之以充
方物

根氣味微苦平無毒主治山嵐瘴毒瘡毒并中諸毒

以根研生酒服一錢七即解

時珍

紫金牛

宋圖
經

集解

頌曰生福州葉如茶葉上綠下紫結實圓紅色如丹朱根微紫色八月采根去心暴乾頗似巴

戟

氣味辛平無毒主治時疾膈氣去風痰蘇頌解毒破血

時珍

拳參

宋圖經

集解

頌曰生淄州田野葉如羊蹄根似海鰓黑色土人五月采之

氣味

缺

主治爲末淋瀝腫氣蘇頌

鐵線草

宋圖經

集解

頌曰生饒州三月采根陰乾時珍曰今俗呼蒟蓄爲鐵線草蓋同名耳

氣味微苦平無毒主治療風消腫毒有效

頌蘇

附方

一新

男女諸風

產後風尤妙鐵線草根五錢五加皮一兩防風二錢爲末以烏骨雞

一斤重者水內淹死去毛腸斫作肉生入藥剉勻下麻油些少炒黃色隨人量入酒煮熟先以排風藤煎濃湯沐浴頭身乃飲酒食雞發出粘汗即愈如不沐浴必發出風丹乃愈滑伯仁櫻寧心要

金絲草

綱目

集解

時珍曰金絲草出慶陽山谷苗狀當俟訪問

氣味苦寒無毒主治吐血欬血衄血下血崩瘴氣

解諸藥毒療癰疽疔腫惡瘡涼血散熱

時珍

附方 新婦人血崩

金絲草海柏枝砂仁花椒蠶退紙
舊錦灰等分爲末煮酒空心服陳

光述傳
談楚翁方

癰疽疔腫

一切惡瘡金絲草忍冬藤五葉
藤天蕎麥等分煎湯溫洗黑色

者加醋
母五兩去心

又鐵箍散用金絲草灰二兩醋拌晒乾貝
白芷二兩爲末以涼水調貼瘡上香油

亦可或加
龍骨少許

天蛇頭毒

落蘇即金絲草金銀花藤五葉
紫葛天蕎麥等分切碎用絕好

醋濃煎先熏後
洗救急方



本草綱目卷十三